

四庫全書

史部

欽定四庫全書

史部
唐鑑卷一至四

詳校官編修臣錢樾

編修臣程嘉謨覆勘

總校官庶吉士臣何思鈞

校對官中書臣潘奕雋

謄錄監生臣黃熙純

欽定四庫全書

史部十五

唐鑑

史評類

提要

臣等謹案唐鑑二十四卷宋范祖禹撰祖禹字純甫華陽人嘉祐八年進士歷官龍圖閣學士出知陝州治平中司馬先奉詔編輯通鑑祖禹為編修官分掌唐史以其所自得者著成此書上自高祖下迄昭宣撮取大綱繫

以論斷為卷十二元祐初為著作佐郎表上
之後呂祖謙註之分為二十四卷是書極為
伊川程子所稱謂三代以後無此議論朱子
則謂其議論弱又有不相應處然其取武后
臨朝二十一年繫之中宗自謂比春秋公在
乾侯之義且曰雖得罪君子亦所不辭蓋指
司馬先通鑑言之朱子作綱目書帝在房州
實仍其例又如論白馬之禍謂裴樞本附朱

全忠以為相非忠於唐室不主歐陽修樞等
不死必不以國與人之論朱子亦以為非歐
公所及則朱子非不取之也其他持議類皆
探本尋源以明治亂之由雖或濶於事情而
大旨嚴正固可與孫甫唐史論斷並傳焉乾
隆四十三年六月恭校上

總纂官

臣紀昀臣陸錫熊臣孫士毅

總校官

臣

陸

費

墀

欽定四庫全書

欽定四庫全書
提要

進唐鑑原表

臣祖禹言臣竊以自昔下之戒上臣之戒君必以古驗

今以前示後禹益之於舜則言其所無于佚于樂

書大禹謨

益曰吁戒哉罔失法度罔遊于逸罔淫于樂

傲虐之作防於未然

書益稷禹曰無若丹

朱傲惟慢遊是好傲虐是作

周召之於成王則相古先民歷年墜命

書召誥相古先民有夏天迪格保面稽天若今時既墜厥命今相有殷天迪格保面稽天若今時既墜厥命又我不敢知曰有夏服天命惟我歷年我不敢知曰不其延惟不敬厥德乃早墜厥命我不敢知曰有殷受天命惟我歷年我不敢知曰不其延惟不敬厥德乃早墜厥命

日陳於前皆所以進哲

德而養聖功也臣祖禹誠惶誠懼頓首頓首臣昔在先
朝承乏書局典司載籍實董有唐嘗於紬次之餘稽其
成敗之迹折以義理緝成一書思與庶人傳言百工執

藝

書府征工執藝事以諫

獻之先帝庶補萬分比臣赴職不幸先

帝遽揚末命伏遇皇帝陛下嗣膺大統睿智日躋詳延

耆儒啓沃聖學

書說命啓乃心沃朕心

監於前代

唐褚遂良傳太宗曰朕監前代

以為元龜

宜莫如唐儀刑祖宗之典則

詩周頌儀式刑文王之典日靖四方

方承式萬世永賴

書大禹謨帝曰萬世永賴時乃功

臣之此書雖不足

以發揮德業廣助聰明拳拳之忠不能自己苟有所得不敢不告輒以狂愚塵玷日月罪當誅死伏惟清閒之燕少賜省覽其唐鑑十二卷繕寫成六冊謹隨表上進以聞臣祖禹誠惶誠懼頓首頓首謹言元祐元年二月二十八日承議郎行秘書省著作佐郎騎都尉賜緋魚袋臣范祖禹上表

又上太皇太后原表

臣祖禹言臣聞觀古所以知今章往所以察來

易繫辭
夫易所

以彰往
察來

唐於本朝如夏之於商商之於周也厥監不遠

著而易見臣祖禹誠惶誠懼頓首頓首臣頃在書局多

歷年所

書君
喪云

不勤而祿無補聖世神宗皇帝明燭幽遠

一物不遺特垂誤恩擢置秘書省臣比及赴職不幸先帝

違豫遽棄群臣不獲一覩清光螻蟻之志無所復伸臣

嘗於職事之餘討論唐史撫其行事緝成一書妄以私

意而發明之可以稽參得失監觀成敗伏遇太皇太后

陛下母臨萬國天覆群生酌于民言以美聖政臣區區

之忠既無及於先帝思報之於陛下是以冒昧自竭不

敢隱默古者史為書瞽為詩百工獻藝庶人傳語

左襄十四

年史為書瞽為詩工誦歲諫大夫規誨士傳言庶人謗商旅于市百工獻藝

思不出職交修

於上冀以塵露仰裨崇深臣職文史敢忘斯義竊惟治亂興廢皆起細微言之於已然不若防之於未然慮之於未有不若視之於既有故曰前事之不忘後事之師

也

史秦本紀云

其唐鑑十二卷繕寫成六冊謹隨表上進以

聞臣祖禹誠惶誠懼頓首頓首謹言元祐元年二月二

十八日承議郎行秘書省著作佐郎騎都尉賜緋魚袋
臣范祖禹上表

唐 歷 代 傳

高祖

楚王智雲
密王元曉
魯王靈夔
鄧王元裕
霍王元軌
鄭王元懿
韓王元嘉
周王元祐
漢王元昌
衛王元吉
太子建成
荆王元景
鄧王元禮
徐王元禮
彭王元則
道王元慶
舒王元名
江王元祥
滕王元嬰
虢王鳳

太宗

趙王福
江王元
越王貞
蔣王暉
蜀王愔
燕王恪
魏王泰
楚王寬
太子承乾
紀王慎
曹王明
代王簡
則天后

高宗

睿宗

中宗

許王素節
澤王上金
原王孝
燕王忠
常懷太子賢
孝敬皇帝弘
瑒皇帝住
顯王重福
節愍太子重俊
懿德太子重潤
讓皇帝憲
惠莊太子範
惠文太子範
惠宣太子範
隋王隆悌

玄宗

肅宗
肅王璿
涼王璿
懷王璿
儀王璿
夏王璿
奇王璿
光王璿
郭王璿
太子璿
奉天皇帝琬
靖恭太子琬
懷王敏
永王璘
延王璘
盛王璘
濟王璘
信王璘
義王璘
陳王璘
豐王璘
恒王璘

世之圖

宣宗

懿宗

僖宗

昭宗

哀帝
德王裕

朱全忠殺之

名王德
襄王儼
涇王倓
彭王儼
越王係
承天皇帝俊
恭懿太子侑
衛王佖
兗王侗
鄂王榮
杞王僊
定王侗

雅王通
恭王通
端王通
昭王通
蜀王通
隋王通
簡王通
恩王通
丹王通
均王通
昭靖太子邈
睦王通
韓王通
益王通
荆王通
忻王通
嘉王通
僖王通
原王通

順宗
文敬太子諲
舒王誨
虔王諒
欽王諒
資王諒
昭王諒
代王諒
肅王諒
通王諒

憲宗
鄭王經
莒王經
郇王經
宋王結
真王結
衛王結
福王結
撫王結

穆宗
懷王愬
衛王愬
茂王愬
沔王愬
郾王愬
絳王愬
深王愬
惠昭太子寧

敬宗
安王溶
懷懿太子湊
文宗
武宗

歷代紀

高祖

武德九

太宗

貞觀二十二

高宗

永徽六
乾封二

顯慶五
總章二

龍朔三
咸亨四

麟德二
上元二

儀鳳三
開耀一

調露一
永淳一

永隆一
弘道一

則天

光宅一
證聖一

垂拱五
萬歲登封一

載初四
聖歷三

延載一
大足三

神龍三

中宗

景龍四

睿宗

景雲二
太極一

玄宗

先天二
天寶十三

開元二十九

肅宗

至德二
上元二

乾元三
寶應二

代宗

廣德二
大曆十四

永泰一

德宗

建中四
貞元二十一

興元一

元之圖

順宗

永貞一

憲宗

元和十五

穆宗

長慶四

敬宗

寶歷三

文宗

太和九
開成五

武宗

會昌六

宣宗

大中十三

懿宗

咸通十四

僖宗

乾符六
光啓四
廣明一
文德二

中和四

昭宗

龍紀一
光化二
大順二
天復三

景福二
天祐一

乾寧四

哀帝

二

欽定四庫全書

唐鑑卷一

宋 范祖禹 撰

呂祖謙 註

高祖上

隋大業十三年

煬帝年號

高祖為太原留守領晉陽宮監時煬帝

南遊江都天下盜賊起高祖子世民

太宗

知隋必亡陰結豪傑

謀舉大事懼高祖不聽與副監裴寂謀寂因選晉陽宮人私
事高祖乃以大事告之世民因亦入白其事五月以詐殺副

留守王威高君雅遂起兵遣劉文静使突厥約連和使去聲

臣祖禹曰匹夫欲自立於鄉黨猶不可不自重也況

欲圖王業舉大事而可以不正啓之乎啓開導之也太宗

陷父於罪而脅之以起兵

脅音協下同

高祖昵裴寂之邪

昵近也尼質切

受其宮女而不辭又稱臣於突厥倚以為助

倚依也

何以示後世矣夫創業之君其子孫則而象之

孝聖治章其民則而象之

如影響之應形聲

孔安國尚書傳影之隨形響之應聲言不

虛尤不可不慎舉也是以唐世人主無正家之法戒

狄多猾夏之亂

書舜典蠻夷猾夏孔安國云猾亂也

盖高祖以此始也

或曰太宗苟不為此則高祖或終不從而突厥將為

後患

將如字

二者權以濟事也

後王霸傳光武謂官屬曰王霸權以濟事殆天

瑞也

臣竊以為不然古之王者行一不義殺一不辜而

得天下不為也

孟公孫丑上行一不義殺一不辜而得天下皆不為也

太宗恐

高祖之不從懼突厥之為患終守臣節可也豈有猾

父臣虜以得天下而可為歟此而可為則亦無所不

至矣惜乎太宗有濟世之志撥亂之才而不知義也

唐本紀書生見太宗曰年幾冠必能濟世安民虞世南傳太宗自謂三王以來撥亂之主莫吾若也

高祖使建成世民將兵擊西河郡攻拔之執郡丞高德儒世民數之曰汝指野鳥為鸞以欺人主取高官吾與義兵正為誅佞人耳遂斬之自餘不戮一人秋毫無犯

臣祖禹曰昔武王克商

克勝也

釋箕子之囚封比干之

墓式商容之閭

史周紀武王釋箕子之囚表商容之閭封比干之墓又書武成

戮蜚

廉惡來於海隅

史秦紀蜚廉生惡來惡來有力蜚廉善走父子俱以材力事殷紂周武王

伐紂并殺惡來

顯善除惡如恐不及何哉使民知嚮方示以

征伐之本意也故海內莫不革心易慮

荀儒效四海之內莫不革

心易慮以化順之

以聽上之所為去商之汙俗被周之美化

如水之走下

孟離婁上民之歸仁也如水之就下

草之從風也

語顏淵君子之

德風小人之德草上之風必偃

太宗始起兵而戮一佞人民知所

好惡矣如是則誰不欲為忠而不為佞宜其成王業之速也德儒佞於隋而戮於唐為佞者果何利哉

高祖以書招李密密自恃兵彊欲為盟主復書曰

復如字

所望左提右挈戮力同心執子嬰於咸陽

秦王

殪商辛於

牧野

殪音翳

高祖得書曰密妄自矜大非折簡可致若遽

絕之乃是更生一敵不如卑辭推獎以驕其志復書曰
天生烝民必有司牧當今為牧非子而誰老夫年踰知
命願不及此欣戴大弟攀鱗附翼惟弟早膺圖籙以寧
兆庶宗盟之長屬籍見容復封於唐斯榮足矣密得書
甚喜曰唐公見推天下不足定矣

臣祖禹曰晉文公謫而不正孔子譏之

語憲問晉文公謫而不正

齊桓公正而不謫

當是時李密方圍洛邑高祖乘虛席卷入

關席卷猶言奄有也密進則前有太原之敵後有東都之師

是以聚兵洛口而不能西其勢亦可見矣然則高祖

何賴於密而招之以納侮書說命中無啓寵納侮及其自欲為

盟主也又何憚於密而驕之以行詐哉且始舉義兵

而勸進於叛人非所以為名也臣以為此非太宗劉

文靜之謀必出於高祖與裴寂之徒怯懼之計得已

而不已者也

武德元年三月隋恭帝詔以唐王為相國加九錫相去聲下

同王謂僚屬曰此諂諛者所為耳孤秉大政而自加寵錫可乎必若循魏晉之迹彼皆繁文偽飾欺天罔人考其實不及五霸而求名欲過三王此孤常所非笑竊亦耻之或曰歷代所行亦何可廢王曰堯舜湯武各因其時取與異道皆推其至誠以應天順人未聞夏商之末必效唐虞之禪也禪去聲若使少帝有知必不肯為若其無知孤自尊而飾讓平生素心所不為也但改丞相府為相國府其九錫殊禮皆歸之有司

臣祖禹曰魏晉之君欺孤蔑寡以奪天位考其實無

異於寒浞王莽

左襄四年魏莊子曰有夏后羿自鉅遷於窮石因夏民以代夏政用寒浞

伯明氏之讒子弟也王莽漢元后之弟子漢末篡位號新室浞士角切

王必欲效唐虞

之文後世因襲而莫之改其君臣皆不以為羞也惟

唐高祖知其出於諂諛者所為故繁文偽飾有所不

行亦可謂不自欺者矣然以兵取而必為之文曰受

禪於隋

禪時戰切

是亦未免襲衰世之迹也雖不能正其

名實如三代之王而優於晉魏則遠矣

五月詔曰近世以來時運遷革前代親族莫不誅第興亡之故豈伊人力其隋蔡王智積等子孫並付所司量才選用

臣祖禹曰詩曰商之孫子其麗不億上帝既命侯于

周服侯服于周天命靡常

大雅文王詩毛萇云麗數也鄭氏云商之孫子其數

不徒億多言之也至天已命文王之後乃為侯於周九服之中無常者善則就之惡則去之

武王

數紂曰昏棄厥遺王父母弟不迪故致討焉

書牧誓王曰今

商王受惟婦言是用昏棄厥肆祀弗答昏棄厥遺王父母弟不迪乃惟四方之多罪逋逃是崇是長是信

使是誅其罪人之身而立其子天下之公義也況其父

兄宗族乎自晉魏以來彊臣篡奪除君之族而代其位以非道得之亦以非道失之易姓之禍如循一軌傳

曰君以此始亦必以終信矣唐高祖始即位而錄隋

之子孫

唐本紀武德元年五月即皇帝位奉隋帝為
鄰國公詔前隋恭王智積等子孫皆選用之

由漢以來最為忠厚其享國長世宜哉

萬年縣法曹孫伏伽上表以為隋以惡聞其過

惡鳥
故切亡

天下宜易其覆轍

易音亦

務盡下情人君言動不可不慎

陛下今日即位而明日有獻鷄雛者

鷄音雛

又百戲散樂

亡國淫聲近太常於民間借婦女裙襦以充妓衣

襦音儒

擬五月五日元武門遊戲非所以為子孫法也又言太子諸王參僚宜謹擇其人帝省表大悅下詔褒稱擢為治書御史賜帛三百匹頒示遠近

臣祖禹曰國將興必賞諫臣國將亡必殺諫臣

國晉語興

王賞諫臣逸王罰之

故諫而受賞者興之祥也諫而被殺者亡

之兆也天下如人之一身夫身必氣血周流無所壅

底

孟序正
塗壅底

而後能存焉諫者使下情得以上通上意

得以下達如氣血之周流於一身也故言路開則治

言路塞則亂治亂者繫乎言路而已高祖鑒隋之所

以亡王業初基庶事草創而首闢言路以通下情可

謂知所先務矣是以海內聞風如熱者之得濯廢者

之得起民知上之憂已而疾痛將有所赴懇也

孟天
下有

疾其君者皆
赴懇於王

唐室之興不亦宜乎

十一月徐世勣降賜姓李氏

臣祖禹曰古者天子建國賜姓命氏

左隱八年天子建德因生以賜

姓姓氏所以別其族類之所出也自三代之衰稱姓

者或以國

如風俗通氏族篇曰氏於國齊魯宋衛是也

或以族族謂宗族或以

地

如高氏出齊太公之後食粟於高因氏焉

或以官

漢倉氏庾氏其祖本主倉庾之官食貨志

云居官以為姓號注云倉氏庾氏是也

子孫各本於其祖不可改也漢

高祖賜婁敬姓為劉鄙陋無稽

前漢婁敬傳敬賜姓劉氏

而唐世

人主遂以為法非其親者附之屬籍或加於盜賊強

寇以逆族異類為同宗

如唐李勣曹州離狐人本姓徐氏高祖賜姓李附宗正職

屬是也然則古之賜姓者別之而後之賜姓者亂之也

夫惟天親不可以人為而強欲同之豈理者乎上瀆其姓下忘其祖非先王之制不可為後世法也

二年閏二月隋宇文士及封德彝來降

降下江切

帝與士及

有舊時士及妹為昭儀由是授上儀同帝以封德彝隋室舊臣而諂巧不忠深誚責之罷遣就舍德彝以秘策干帝帝悅尋拜內史舍人俄遷侍郎

臣祖禹曰高祖以女寵進士及責德彝之諂巧既斥

之矣復悅其計策而驟用之甚矣佞人之難遠也

去遠

聲自古君子易疏

易音異下同疏平聲

小人易親蓋君子難於

進而果於退小人不耻於自售

售驚也

而戚於不見知

戚哀也

其進也無所不至人君一為所惑不能自解

解九

賈切釋也

鮮有不至禍敗者也

鮮上聲少也

三年五月晉人吉善行自言於羊角山見白衣老父

謂善行曰為我語唐天子

偽切為于

吾為老君吾而祖也詔

於其地立廟

臣祖禹曰商祖契

史殷紀殷契
舜賜姓子氏

周祖后稷

史周紀周
后稷名棄

姓姬氏

皆本其功德所起不可誣也唐之出於老子

老子

姓李名耳

由妖人之言而諂諛者附會之高祖啓其原高

宗明皇扇其風又用方士詭誕之說躋老子於上帝

唐高宗紀乾封元年二月己未
如亳州祠老子追謚玄元皇帝

卑天誣祖悖道甚矣

悖背

與王莽稱王子喬為皇祖叔父何以異哉

四年十月趙郡王孝恭李靖圍江陵蕭銑降

銑先典切
降下江切

帝數之

數數其
過也

銑曰隋失其鹿天下共逐之銑無天命

故至此若以為罪無所逃死竟斬於都市

臣祖禹曰蕭銑故梁子孫

唐本傳銑後梁宣帝子孫

屯難之世難去

聲民思其主銑因隋亂保據荆楚欲復其考之業雖

僭大號

唐本傳義寧二年僭稱皇帝

非唐之叛臣也唐師伐而取

其地執其主亦足矣而銑以百姓之故不忍固守而

降完府庫奉圖籍而歸之唐

同上武德四年高祖詔李恭與李靖率巴蜀兵

國銑大破之靖直過其都詣軍門降

然則唐初割據之主銑最無罪高

祖誅之淫刑甚矣我太祖太宗削平四方僭偽之國

係繫其主致之闕下

繫力追切繫也
孟係繫其子弟

雖無道如劉鋹

拒命如繼元

皆五代時
僭偽者

窮天下之力而後取之不誅

一人皆死牖下自三代以來未之有也此所以祈天

永命者歟

書名詰祈
天永命

五年太子建成與齊王元吉共傾秦王世民引樹黨友

樹植也

中允王珪洗馬魏徵

洗先
典切

說太子曰秦王功蓋天

下中外歸心殿下但以年長位居東宮無大功以鎮服

海內今劉黑闥散亡之餘衆不滿萬資糧匱乏以大軍

臨之勢如拉朽殿下宜自擊之以取功名因結納山東豪傑庶可自安太子乃請行帝許之

臣祖禹曰立子以長

上聲

不以有功以德不以有衆古

之道也晉獻公使太子申生伐東山里克入而諫君

出見太子而勉之以孝

左閔二年晉侯使太子申生伐東山臯落氏里克諫曰太

子奉冢祀社稷之粢盛以朝夕視君膳者也故曰冢子君行則守有守則從從曰撫軍守曰監國古之制也夫師師專行誅普軍旅君與國政之所圖也非太子之事也師在制命而已稟命則不威專命則不孝

君子曰善處父子之間矣王魏以輔導東宮為職

東宮

太子當勸建成以孝於高祖友於秦王則儲位安矣

太子儲副也太子君之副貳

秦王有定天下之功高祖苟欲立之能

為秦伯不亦善乎

史吳世家吳秦伯秦伯弟仲雍皆周太王子而王季歷之兄也季歷

賢而有聖子昌太王欲立季歷秦伯仲雍二人奔之荆蠻文身斷髮示不可用以避季歷季歷果立是為

王季且建成既為太子則國其國也安在於有功乃使

之擊賊以立威結豪傑以自助是導之以爭也禍亂

何從而息乎夫以王魏之賢其為建成謀猶如此况

庸人乎

唐鑑卷一

欽定四庫全書

唐鑑卷二

宋 范祖禹 撰

呂祖謙 註

高祖下

七年初定令以太尉司徒司空為三公次尚書門下中
書秘書殿中內侍為六省次御史臺次太常至太府為
九寺次將作監次國子學次天策上將府次十四衛東
宮置三師至十率府

率音帥

王公置府佐國官公主置邑

司並為京職事官州縣鎮戍為外職事官自開府至將仕郎二十八階為文散官自驃騎至陪戎三十一階為武散官上柱國至武騎尉十二等為勲官

臣祖禹曰三公論道經邦燮理陰陽

書周官立太師太傅太保茲惟

三公論道經邦燮理陰陽

故不以一職名官

前百官公卿表太師太傅太保為三公蓋

參天子坐而議政無不總統故不以一職名官

太尉掌武蓋古者大司馬之

職也司徒主民司空主土皆六卿之任非三公之官

也

同上冢宰司徒宗伯司馬司寇司空是為六卿或說司馬主天司徒主人司空主土是為三公自

漢以來失之矣唐不能革正而復因之是以官名之

紊莫甚於唐且既有太尉司徒司空

唐百官志太尉司徒司空各一

人是為三公正一品

而又有尚書省

同上尚書省尚書令一人正二品掌典百官其屬有

六尚書吏部戶部禮部兵部刑部工部

是政出於二也既有尚書省而

又有九寺

太常寺光祿寺衛尉寺宗正寺太僕寺大理寺鴻臚寺司農寺大府寺

是政

出於三也夫天地之有四時百官之有六職

天官冢宰地官

司徒春官宗伯夏官司馬秋官司寇冬官司空

天下萬事備盡如此如網之

在綱

書盤庚若網在綱有條而不紊

裘之挈領雖百世不可易也人

君如欲稽古以正名

語十三必也正名乎

苟捨周官臣未見其

可也

初定均田租庸調法

調去聲下同

丁中之民給田一頃篤疾

減什之六寡妻妾減七皆以什之二為世業八為口分

每丁歲入租粟二石調隨土地所宜綾絹絁布

絁音施

歲

役二旬不役則收其傭日三尺有事而加役者旬有五

日免其調三旬租調俱免水旱蟲霜為災什損四以上

免租六以上免調七以上課役俱免凡民貲業分為九

等

資 貴音

百戶為里五里為鄉四家為鄰四鄰為保在城

邑者為坊在田野者為村食祿之家毋得與民爭利工商雜類無預仕伍男女始生為黃四歲為小十六歲為中二十為丁六十為老歲造計帳三歲造戶籍

臣祖禹曰唐初定均田有給田之制蓋猶有在官之

田也

唐食貨志唐之始時授人以口分世業田而取之以租庸調之法

其後租庸調

法壞而為兩稅給田之制因不復見

同上天寶以來
驕君昏主接吏

邪臣取濟一時屢更其制由是財利之說興聚歛之臣進蓋口分世業之田壞而為兼并租庸之法壞而

為兩

蓋官田益少矣自井田廢而貧富不均

前食貨志秦孝

公用商鞅壞井田開阡陌註云南北曰阡東西曰陌陌與佰同

後世未有能制民之

產

孟梁惠王賢君制民之產使仰足以事父母俯足以畜妻子今也制民之產仰不足以事父母俯不

足以畜

使之養生送死而無憾者也

同上是使民養生喪死無憾也

立法者未嘗不欲抑富而或益助之不知富者所以

能兼并由貧者不能自立也貧者不能自立由上之

賦歛重而力役繁也為國者必曰財用不足故賦役

不可以省蓋亦反其本矣

同上蓋亦反其本矣蓋因合切何不也

昔哀

公以年饑用不足問於有若曰盍徹乎夫徹非

所以裕用然欲百姓與君皆足必徹而後可也

語十
二哀

公問於有若曰年饑用不足如之何有若對曰盍徹乎曰二吾猶不足如之何其徹也對曰百姓足君孰

與不足百姓不足君孰與足趙岐曰什一而稅謂之徹徹直列切後之為治者三代

之制雖未能復唯省其力役薄其賦歛

孟盡心上易
其田疇薄其

稅務本抑末尚儉去奢占田有限困窮有養使貧者

足以自立而富者不得兼之此均天下之本也不然

雖有法令徒文具而已何益於治哉

太子建成欲圖秦王世民擅募驍勇為東宮衛士

驍古亮切

號長林兵又密使幽州突騎三百

騎去聲

置宮東諸坊使

慶州都督楊文幹募壯士送長安帝幸仁智宮建成居

守使即將忒朱煥等以甲遺文幹

將去聲忒與尔同遺去聲

煥等去

幽州上變告太子使文幹舉兵欲表裏相應帝遣宇文

穎召文幹穎以情告之文幹遂舉兵反

臣祖禹曰建成為太子而擅募兵甲於東宮又使楊

文幹反於外以危君父此天下之惡也

惡如字

罪孰大

焉高祖不以公義廢之乃外惑於姦臣之計內牽於

妃嬪之請

嬪音頻

至使兄弟不相容於天下

前淮南王傳孝文即

位時高帝子惟孝文淮南厲王長在而厲王自以為最親驕蹇數不奉法上寬赦之後終得罪廢處蜀嚴道邛都王乃不食而死上聞之悲哭民為作歌曰此一尺布尚可縫一斗粟尚可舂兄弟二人不相容此

高祖不明之過也

八年西突厥統葉護可汗

汗平聲

遣使請昏

使去聲

帝問裴

矩矩對曰今此虜方彊為國家今日計其當遠交而近
攻臣謂宜許其昏以威頡利數年之後中國充實足抗

北夷然後徐思其宜帝從之

臣祖禹曰自漢以女嫁匈奴而後世習為故常結昏

戎狄不以為耻

前匈奴傳冒頓圍高帝於白登使劉敬結和親奉宗室女公主為單于閼

氏以為畏之邪

與耶同下同

則是以天下之大而畏人至

於納女耻也以為謀之邪則是以女為間

間去聲

而欲

奪人之國亦耻也高祖不謀於衆賢而問諸亡國之

臣宜其不知耻也且西突厥不若頡利之強弱者猶

許其昏則彊者何以制之此不足以示威適足取侮

於四夷而已其後太宗以女分妻諸夷酋長

如唐蠻夷薛延

陀傳延陀使請婚帝許以新與公主下嫁之類妻去聲長方丈切

中宗以後皆嫁公

主於蕃國

如蠻夷西突厥傳中宗以金城公主妻贊普回紇傳肅宗幼女寧國公主下嫁磨延

類

夫匹士庶人求配偶猶各以其類況王姬公族

而棄之遠裔不復顧惜豈不哀哉而終唐之世人君行之不以為難也其臣亦不以為非高祖太宗實啓之也

九年六月秦王世民殺皇太子建成齊王元吉立世民

為皇太子詔軍國庶事無大小悉委太子處決

處上聲八

月高祖傳位於太子

臣祖禹曰建成雖無功太子也太宗雖有功藩王也

太子君之貳

國晉語太子君之貳也宋務光傳太子君之貳國之本也

父之統也

而殺之是無君父也立子以長不以功所以重先君

之世也故周公不有天下

孟萬車下伊尹

弟雖齊聖

不先於兄久矣論者或以太宗殺建成元吉比周公

誅管蔡

史周公世家周公乃奉成王誅管叔放蔡叔

臣竊以為不然昔者

象日以殺舜為事舜為天子也則封之

舜弟象日以殺舜為事立

為天子封之有庠出孟子

管蔡啓商以叛周周公為相也則誅之

相去聲

其迹不同而其道一也舜知象之將殺已也故

象憂亦憂象喜亦喜盡其誠以親愛之而已矣

並孟子萬

章象得罪於舜故封之管蔡流言於國

書金縢武王既喪管叔及

其群弟乃流言于國曰公將不利于孺子

將危周公以間王室

間去聲

得罪

於天下故誅之非周公誅之天下之所當誅也周公

豈得而私之哉後世如有王者不幸而有害兄之弟

如象則當如舜封之是也不幸而有亂天下之兄如
管蔡則當如周公誅之是也舜處其常周公處其變
此聖人所以同歸於道也若夫建成元吉亦得罪於
天下者乎苟非得罪於天下則殺之者已之私也豈
周公之心乎或者又以為使建成為天子又輔之以
元吉則唐必亡臣曰古之賢人守死而不為不義者
義重於死故也必若為子不孝為弟不弟悖天理滅
人倫而有天下不若亡之愈也故為唐史者書曰秦

王世民殺皇太子建成齊王元吉立世民為皇太子
然則太宗之罪著矣

初洗馬魏徵

洗先
典切

常勸太子建成早除秦王及建成敗

世民召徵謂曰汝何為離間我兄弟

聞去
聲

衆為之懼徵

舉止自若對曰先太子若早從徵言必無今日之禍世

民素重其才改容禮之引為詹事主簿亦召王珪韋挺

於雋州

雋戶
圭切

皆以為諫議大夫

臣祖禹曰齊桓公殺公子糾召忽死之管仲不死又

相桓公以霸何哉

語十四子路曰桓公殺公子糾召忽死之管仲不死子貢曰管仲非

仁者與桓公殺公子糾不能死又相之相去聲

桓公子糾皆以公子出奔子

糾未嘗為世子也桓公先入而得齊非取諸子糾也

桓公既入而殺子糾惡則惡矣然納桓公者齊也春

秋書公伐齊納糾稱糾而不稱子不當立者也齊小

白入於齊

小白齊桓公名

以小白繫之齊當立者也

按春秋莊公九

年公伐齊納子糾齊小白入於齊

又曰齊人取子糾殺之稱子糾所

以惡齊也

同上九月齊人取子糾殺之

是以管仲不得終讎桓公

而得以之為君今建成為太子且兄也秦王為藩王

又弟也王魏受命為東宮之臣

王珪
魏徵

則建成其君也

豈有人殺其君而可北面為之臣乎且以弟殺兄以
藩王殺太子而奪其位王魏不事太宗可也夫食君
之祿而不死其難朝以為讎暮以為君於其不可事
而事之皆有罪焉臣之事君如婦之從夫也其義不
可以不明苟不明於君臣之義而委質於人

國楚語
委質為

臣無有二
心質音摯

雖曰不利臣不信也

九月太宗引諸衛將卒

將去聲

習射於殿庭諭之曰戎狄

侵盜自古有之患在邊境小安則人主逸遊忘戰是以
寇來莫之能禦今朕不使汝曹穿池築苑專習弓矢居
閒則為汝師突厥入寇則為汝將庶幾中國之民可以
少安乎於是日引數百人教射於殿庭帝親臨試中
多者賞以弓刀布帛其將帥加以上考群臣多諫帝皆
不聽由是人思自勵數年之間悉為精銳

臣祖禹曰有國家者雖不可忘戰

前主父偃傳司馬法曰天下雖安忘

戰必危然而教士卒習射者有司之事殿庭非其所也

苟將士得其人何患乎士之不勇技之不精乎夫以

萬乘之主

唐段秀實傳天子萬乘

而為卒伍之師

禮地官小司徒五人為伍

五伍為兩四兩為卒

非所以示德也且人君始即位不以教化

禮樂為先務而急於習射志則陋矣雖士勵兵彊征

伐四克

揚先

威加海外非帝王之盛節亦不足貴也

十一月太宗與群臣論止盜或請重法以禁之帝哂之曰民之所以為盜者由賦繁役重官吏貪求飢寒切身

故不暇廉耻耳朕當去奢省費

省音青

輕徭薄賦選用廉

吏使民衣食有餘則自不為盜安用重法耶自是數年之後海內升平路不拾遺商旅野宿焉

臣祖禹曰季康子患盜問於孔子孔子曰苟子之不

欲雖賞之不竊

語十二云

信哉斯言也蓋君者本也民者

末也君者源也民者流也本正則末正源清則流清

矣

荀君道君子養源源清則流清濁則流濁矣

是以先王之治必反求諸

已

孟離要行有不得已者皆反求諸已

已正而物莫不應矣夫重法以

止盜法繁而盜愈多則有之矣未見其能禁也去奢

省費輕徭薄賦此清源正本止欲之道也

前刑法志
清源正本

論之太宗行之其效如此君人者無以迂言為難行

迂

遠也而以峻法為足特則知致治之方矣

右高祖在位九年傳位於太宗貞觀九年崩年七十一

唐鑑卷二

欽定四庫全書

唐鑑卷三

宋 范祖禹 撰

呂祖謙 註

太宗一

貞觀元年帝謂太子少師蕭瑀曰朕少好弓矢

好音得耗

良弓十數自謂無以加近以示弓工乃曰皆非良材朕問其故工曰木心不正則脉理皆邪弓雖勁而發矢不直朕始寤鄉者辨之未精也

鄉讀曰辨

朕以弓矢定四方識

之猶未能盡況天下之務其能徧知乎乃命京官五品

以上更宿中書內省

更其
亭切

數延見

數音
朔

問以民間疾苦

及政事得失

臣祖禹曰傳曰國之將興也君子自以為不足其亡

也若有餘

見上
卷

太宗因識弓之未精而知天下之理

已不能盡詢謀於衆而不自用

皇皇者華詩周爰
咨詢周爰咨謀

此

其所以興也

有上書請去佞臣者帝問佞臣為誰

為于
偽切

對曰臣居草

澤不能的知其人願陛下與群臣言或揚怒以試之彼
執理不屈者直臣也畏威順旨者佞臣也帝曰君源也
臣流也濁其源而求其流之清不可得矣君自為詐何
以責臣下之直乎朕方以至誠治天下見前世帝王好
以權譎小數接其臣下者常竊耻之卿策雖善朕不取
也

臣祖禹曰太宗可謂知君道矣夫君以一人之身而
御四海之廣應萬物之衆苟不以至誠與賢而役其

獨智

南有嘉魚詩至誠樂與賢者共之

以先天下則耳目心思之所

及者其能幾何是故人君必清心以涖之

晉荀勗傳省事不如

清心虛已以待之如鑑之明

莊天道聖人之心靜乎天地之鑑也

如水之

止

止水言不動

則物至而不能罔矣夫權衡設而不可欺

以輕重者唯其平也繩墨設而不可欺以曲直者唯

其正也

記經解權衡誠縣而不可欺以輕重繩墨誠陳而不可欺以曲直縣音懸

我以其

正彼以其頗

平聲偏也

我以其真彼以其偽何患乎邪之

不察佞之不辨而必行詐以試之哉一為不誠則心

且蔽矣邪正何能辨乎是故鑑垢則物不能察也水動則形不能見也已不明故也且待物以誠猶恐其不動也況不誠而能動物乎

益離婁不誠未
有能動者也

夫為君

而使左右前後之人皆莫測其所為雖欲不欺不可得也唯能御以至誠則忠直者進而儉邪者無自入

矣

儉音
纖

帝與侍臣論周秦修短蕭瑀對曰紂為無道武王征之周及六國無罪始皇滅之得天下雖同人心則異帝曰

公知其一未知其二周得天下增修仁義秦得天下益尚詐力此脩短之所以殊也蓋取之或可以逆得而守之不可以不順故也瑀謝不及

臣祖禹曰太宗於是失言易曰湯武革命順乎天而應乎人

易革卦云

取之以仁義守之以仁義者周也取之

以詐力守之以詐力者秦也此周秦之所以異也後

世或以湯武征伐為逆取

揚先知湯武桓公征伐四克前陸賈傳湯武逆取而

順守也而不知征伐之順天應人所以為仁義也太宗

曰取之或可以逆非也既謂之逆矣則無時而可也
二年正月帝謂魏徵曰人主何為而明何為而暗對曰
兼聽則明偏聽則暗昔堯清問下民故有苗之惡得以
上聞舜明四目達四聰故共鯀驩兜不能蔽也共音恭秦
二世偏信趙高以成望夷之禍梁武帝偏信朱异以取
臺城之辱隋煬帝偏信虞世基以致彭城閣之變是故
人君兼聽廣納則貴臣不得壅蔽而下情得以上通也
帝曰善

臣祖禹曰善哉太宗之問魏徵之對也可謂得其要

矣夫聖人以天下為耳目故聰明

管九守目貴明耳貴聰以天下之目

為目視之無不見也以天下之耳為耳聽之無不聞也

庸君以近習為耳目故

暗蔽明暗之分惟在於遠近大小而已矣

四月突厥頡利可汗請入朝帝謂侍臣曰曷者突厥之
彊控弦百萬憑陵中夏用是驕恣以失其民今自請入朝
非困窮肯如是乎朕聞之且喜且懼何則突厥衰則邊
境安矣故喜然朕或失道他日亦將如突厥能無懼乎

卿等宜不惜苦諫以輔朕之不逮也

臣祖禹曰易曰其亡其亡繫於苞桑

否卦九五云

書曰儆

戒無虞

書大禹謨蓋曰戒哉儆戒無虞

夫戒所以勵善而進德也太

宗覲突厥入朝而知懼如此其能致貞觀之治宜哉

貞觀太宗年號魏徵傳帝即位四年歲斷死刑二十九人幾致刑措斗米三錢至是天下大治

帝謂侍臣曰古語有之赦者小人之幸君子之不幸一

歲再赦善人喑啞夫養稂莠者害嘉穀赦有罪者賊良

民故朕即位以來不欲數赦

數音朔

恐小人恃之輕犯憲

章也

臣祖禹曰數赦之害前世論之詳矣

如後王符傳賊民之甚者莫大

於數赦數赦贖刑則惡人昌而善人傷矣之類

夫良民不被澤而罪人獲宥

政之偏黨莫甚於此欲以致和而措刑

前李尋傳善政致和

不

亦踈乎而人君每以赦為推恩或祈陰德之報太宗

懲之可謂善政矣

三年帝謂房玄齡杜如晦曰公為僕射當廣求賢人隨才授任此宰相之職也比聞聽受詞訟日不暇給安能

助朕求賢乎因敕尚書細務屬左右丞唯大事應奏者
乃關僕射

臣祖禹曰太宗責宰相以求賢而不使之親細務能
任相以其職矣書曰惟說式克欽承旁招俊乂列於

庶位

書說命下王曰來汝說云云惟說式克欽承旁招俊乂列於庶位

此相之職也

苟不務此而治簿書期會

前賈誼傳今大臣特以簿書不報期會之間為大故

百吏之事豈所謂相乎

四月帝謂侍臣曰中書門下機要之司詔勅有不便者

皆應論執

應平聲

比來唯覩順從不聞遠異若但行文書

則誰不可為何必擇才也房玄齡等皆頓首謝

臣祖禹曰朝廷設官分職

禮天官太宰惟王建國辨方正位體國經野設官分

職以為民極乃立天官冢宰六官同

非徒使上下相從欲交修其所不

逮也

書罔命穆王命伯冏懋乃后德交修不逮

故書曰百官修輔

書隋征百官修

輔厥后惟明

苟取克位而奉行上令則是胥吏而已不明

之君自以無過惡人之言

惡鳥故切

是以政亂而上不聞

太宗敕責而使之言雖欲不治不可得也

四年滅突厥四夷君長詣闕

長上聲下同

請帝為天可汗

音汗

寒下同

帝曰我為大唐天子又下行可汗事乎群臣及四

夷皆稱萬歲是後以璽書賜西北君長皆稱天可汗

臣祖禹曰孔子曰夷狄之有君不如諸夏之亡也以

其無君臣之禮也

語三子曰夷狄之有君不如諸夏之亡也

太宗以萬乘

之主而兼為夷狄之君不耻其名而受其佞事不師

古

書說命說曰王人求多聞時惟建事學於古訓乃有獲事不師古以克永世匪說攸聞

不足

為後世法也

孟離要上不可法於後世者不行先王之道也

突厥部落分散其降唐者

降平聲

尚十萬口詔羣臣議區

處之宜朝士多言宜悉徙之河南兗州之間散居州縣

教之耕織可以化為農民顏師古請皆寘之河北分立

酋長領其部落李百藥以為宜因其離散各即本部署

為君長不相臣屬國分勢敵各自保全必不能抗衡中

國實靜以為宜假之王侯之號妻以宗室之女

妻去聲

分

其土地析其部落使其權弱勢分易為羈制溫彥博請

準漢武故事置降匈奴於塞下

降下江切

使為中國扞蔽魏

徵以為宜縱之使還故土不可留之中國帝卒用彥博
策置四都督府六州以處降衆酋長至者皆拜將軍中
郎將布列朝廷五品以上百餘人殆與朝士相半因而
入居長安者近萬家

臣祖禹曰先王之制戎狄荒服夷不亂華

家語相魯
裔不誅夏

夷不
亂華

所以辨族類別内外也孔子美齊桓之功曰微

管仲吾其被髮左衽矣

語十四子曰管仲相桓公霸
諸侯一匡天下民到於今受

其賜徵管仲吾
其被髮左衽矣

聖人之懲戎狄如此太宗既滅突厥

而引諸戎入中國使殊俗之人與公卿大夫雜處於

朝廷苟欲冠帶四夷

冠去聲

以夸示天下而

夸大也音誇

不

知亂華亦甚矣然則中國幾何不胥懼於戎也

幾音機胥

相居切

是以唐室世有戎狄之亂豈非太宗之所啓乎

詔自今訟者有經尚書省判不服聽於東宮上啓委太子裁決若仍不服然後奏聞時太子年十二歲

臣祖禹曰太子之職在於視膳問安

左閔二年里克曰太子以朝夕

視君膳者也記文王世子文王之為世子也朝於王季日三雞初鳴而衣服至於寢門外問內豎之御者

曰今日安否何如

古之教者必以禮樂

記王制樂正崇四術立四教春秋教以禮

樂冬夏教以詩書王太子王子群后之太子皆在焉

而置師保以輔翼之

記文王世

子凡三王教世子必以禮樂樂所以修內也禮所以修外也立太師太傅以養之入則有保出則有師是以教喻而德成也師也者教之以事而喻諸德也保也者慎其身而輔翼之而歸諸道者也

苟問

學明而德性成

記中庸尊德性而道問學

何患乎不能聽訟也且

年十二而使之裁決庶事不已早乎若其才則將不

學而能不才則宮臣必教之以欺其君父非所以養

德也

六月發卒修洛陽宮以備巡幸張玄素諫曰陛下初平洛陽凡隋氏宮室之宏侈者皆令毀之曾未十年復加營繕何前日惡之而今日效之也

惡烏故切

且以今日財力

何如隋世陛下役瘡痍之人襲亡隋之弊恐又甚於煬帝矣帝謂玄素曰卿謂我不如煬帝何如桀紂對曰若此役不息亦同歸於亂帝歎曰吾思之不熟乃至於是顧謂房玄齡曰朕以洛陽土中朝貢道均意欲便民故使營之今玄素所言誠有理宜即為之罷役後日或以

事至洛陽雖露居亦無傷也仍賜玄素綵二百匹

臣祖禹曰上之所好者下之所競也

蓋滕文公上有好者下必有甚

焉好去聲

太宗虛己以來直言故羣臣爭救其失唯恐其

言之不切太宗不惟悅而從之又賞以勸之此人君之所難能也夫如是何患於有過乎

帝問房玄齡蕭瑀曰隋文帝何如主也對曰文帝勤於為治臨朝或至日昃五品以上引坐論事衛士傳餐而食雖性非仁厚亦勵精之主也帝曰公得其一未得其

一文帝不明而喜察不明則照有不通喜察則多疑於物事皆自決不任群臣天下至廣一日萬幾雖復勞神

若形

復狀又切

豈能一一中理

中聲去

群臣既知主意惟取決

受成雖有愆違莫敢諫爭

去聲

此所以二世而亡也朕則

不然擇天下賢才寘之百官使思天下之事關由宰相

審熟便安然後奏聞有功則賞有罪則刑誰敢不竭心

力以修職業何憂天下之不治乎因敕百司自今詔敕

行下有不便者皆應執奏毋得阿從

毋音無

不盡已意

臣祖禹曰書云元首明哉股肱良哉庶事康哉又曰

元首叢脞哉股肱惰哉萬事墮哉此舜臯陶所以廢

歌而相戒也

書益稷帝庸作歌曰敕天之命惟時惟幾乃歌曰股肱喜哉元首起哉百工熙

哉臯陶拜手稽首颺言曰念哉率作興事慎乃憲欽哉屢省乃成欽哉乃賡載歌曰元首明哉股肱良哉

庶事康哉又歌曰元首叢脞哉股肱惰哉萬事墮哉

夫君以知人為明

唐劉蕡傳君以

知人為明知人則任賢去邪

臣以任職為良君知人則賢者得行

其所學臣任職則不賢者不得苟容於朝此庶事所

以康也若夫君行臣職則叢脞矣臣不任君之事則

情矣此萬事所以墮也當舜之時禹平水土

書舜典帝曰咨

禹汝平水土惟時懋哉

稷播百穀

帝曰棄黎民阻飢汝后稷播時百穀

土穀之事

舜不親也契敷五教

帝曰契汝作司徒敷敷五教在寬

皋陶明五刑

帝曰皋陶汝作士五刑有服五服三就五流有宅五宅三居惟明克允又書大禹謨帝曰皋陶汝作士明

於五教刑之事舜不治也伯夷典禮

舜典帝曰咨四岳有能典朕三

禮僉曰伯夷帝曰俞咨伯汝作秩宗

夔典樂

帝曰夔命汝典樂教胥子

禮樂之事舜

不與也益為虞

帝曰咨益汝作朕虞

垂作共工

帝曰咨垂汝共工並同上

虞

工之事舜不知也禹為一相總百官自稷以下分職

以聽焉君人者如天運於上而四時寒暑各司其序則不勞而萬物生矣君不可以不逸也所治者大所司者要也臣不可以不勞也所治者寡所職者詳也不明之君不能知人故務察而多疑欲以一人之身代百官之所為則雖聖智亦日力不足矣故其臣下事無大小皆歸之君政有得失不任其患賢者不能行其志而持祿之士得以保其位此天下所以不治也是以隋文勤而無功太宗逸而有成彼不得其道

而此得其道故也

帝之初即位也嘗與群臣語及教化帝曰今承大亂之後恐斯民未易化也魏徵對曰不然久安之民驕佚驕佚則難教經亂之民愁苦愁苦則易化

易音異下同

譬猶飢

者易為食渴者易為飲也帝深然之封德彝非之曰三代以還人漸澆訛故秦任法律漢雜霸道蓋欲化而不能豈能之而不欲邪

與耶同

魏徵書生未識時務若信其

虛論必敗國家徵曰五帝三王不易民而化

易音亦

昔黃

帝征蚩尤高陽征九黎湯放桀武王伐紂皆能身致太平豈非承大亂之後邪若謂古人淳樸漸致澆訛則至於今當悉化為鬼魅矣

魅音媚

人主安得而治之帝卒從

徵言元年關中飢米斗直絹一匹二年天下蝗三年大水帝勤而撫之民雖東西就食未嘗嗟怨是歲天下大稔流散者咸歸鄉里米斗不過三四錢終歲斷死刑纔二十九人東至於海南及五嶺皆外戶不閉行旅不齎糧取給於道焉帝謂長孫無忌曰貞觀之初上書者皆

云人主當獨運威權不可委之臣下又云宜震耀威武
征討四夷唯魏徵勸朕偃武修文中國安四夷自服朕
用其言今頡利成擒其酋長長丁丈切並帶刀宿衛皆襲衣
冠徵之力也但恨不使封德彝見之耳徵再拜謝曰突
厥破滅海內康寧皆陛下威德臣何力焉帝曰朕能任

公公能稱朕所任

稱去聲

則其功豈獨在朕乎

臣祖禹曰太宗可謂能審取捨矣

前賈誼傳莫如先審取舍

魏徵

仁義之言也欲順天下之理而治之封德彝刑罰之

言也欲拂天下之性而治之夫民莫不惡危而欲安
惡勞而欲息以仁義治之則順以刑罰治之則拂矣
故治天下在順之而已拂之而能治者未之聞也太
宗從魏徵而不從德彛行之四年遂致太平仁義之
效如此其速也故治道在人主所力行耳前申公傳
為治頗力
行何
如耳孰不可為太宗乎及其成功復歸美於下此近
世帝王之所不及也

唐鑑卷三

欽定四庫全書

唐鑑卷四

宋 范祖禹 撰

呂祖謙 註

太宗二

五年初帝令群臣議封建魏徵李百藥以為封建不便

顏師古以為不若分王宗子勿令過大

令平聲

間以州縣

雜錯而居十一月詔皇家宗室及勲賢之臣宜令作鎮藩部貽厥子孫非有大故無或黜免所司明為條例定

等級以聞至十一年六月詔荆王元景等二十一王長孫無忌等十四人刺史皆令世襲無忌等皆不願之國上表固讓其明年詔停襲封刺史

臣祖禹曰柳宗元有言曰封建非聖人意也勢也

柳封

建論云封建者更古聖王堯舜禹湯文武而莫能去之蓋非不欲去之也勢不可也勢之來其生人之初乎不初無以有封建封建非聖人意也蓋自上古以來有之聖人不得

而廢也故制其爵位之等為之禮命之數合之以朝覲會同離之以師長牧伯而後可治也周室既衰併

為十二列為六七而封建之禮已亡秦以詐力一天下

剋滅方國以為郡縣

秦罷諸侯立郡縣始置郡守

三代之制不可

再復矣後世唯知周之長久

周有天下三十七世八百六十七年故云長久

而不知所以長久者由其德不獨以封建也必欲法

上古而封之弱則不足以藩屏

屏音丙

強則必至於僭

亂此後世封國之弊且堯舜有天下猶不能私其子

堯舜以天下傳賢

況諸侯之後嗣或賢或不肖而必使之繼

世是以一人而害一國也然則如之何記曰禮時為

大順次之三代封國後世郡縣時也因時制宜以便其民順也古之法不可用於今猶今之法不可用於古也後世如有王者親親而尊賢務德而愛民慎擇守令以治郡縣亦足以致太平而興禮樂矣何必如古封建乃為盛哉

康國求內附帝曰前代帝王好招來絕域以求服遠之名無益於用而糜弊百姓今康國內附倘有急難於義不得不救師行萬里豈不疲勞勞百姓以取虛名朕不

為也遂不受魏徵曰內外治安臣不以為喜唯喜陛下
居安思危耳

臣祖禹曰太宗知招來絕域之弊而不為然以兵克
者則郡縣置之其疲勞百姓也亦多矣豈先行其言
而後從之者歟然其不受康國則足以為後世法使
其行事每如此其盛德可少貶哉

六年初群臣表請封禪帝曰卿輩皆以封禪為帝王盛
事朕意不然若天下乂安家給人足雖不封禪庸何傷

乎昔秦始皇封禪漢文帝不封禪後世豈以文帝不及
始皇耶且事天掃地而祭何必登泰山之巔封數尺之
土然後可以展其誠敬乎群臣請不已帝亦欲從之魏
徵獨以為不可乃止

臣祖禹曰古者天子巡狩至於方岳

書周官王乃時
巡考制度于四

岳諸侯各
朝於方岳

必告祭柴望所以尊天而懷柔百神也

詩

邁巡狩告祭柴望也時邁其邦昊天其子之實右
序有周薄言震之莫不震疊懷柔百神及河喬岳

後

世學禮者失其傳而諸儒之諂諛者為說以希世主

謂之封禪

音善

實自秦始古無有也

史秦紀始皇東行郡縣上鄒嶧山立

石與魯諸儒生議刻石頌秦德議封禪乃遂上泰山立石封祠祀禪梁父刻所立石

且三代不

封禪而王秦封禪而亡人君不法三代而法秦以為

太平盛事亦已謬矣太宗方明朝多賢臣而佞者猶

倡其議獨魏徵以為時未可而亦不以其事為非也

其後顏師古議其禮房喬裁定之徵亦預焉

唐禮樂志唐太

宗已平突厥年穀屢豐羣臣言封禪者多乃命顏師古集當時名儒博士雜議不能決於是房玄齡魏徵

博採衆議奏上之

貞觀之末屢欲東封以事而止

同上貞觀十五年將

東幸行至洛陽
以彗星見乃止

高宗明皇遂踵行之

同上高宗乾封元年封泰山立

宗開元十二年有事泰山為玉冊玉璽石臚皆如高宗之制

終唐之世唯柳宗元

以封禪為非以韓愈之賢猶勸憲宗

並見本傳云

則其餘

無足怪也嗚呼禮之失也久矣世俗之惑可勝救哉

帝謂魏徵曰為官擇人不可造次用一君子則君子皆至用一小人則小人競進矣對曰然天下未定則專取其才不考其行喪亂既平則非才行兼備不可用也

臣祖禹曰太宗以治亂在庶官

善說命惟治亂在庶官不及私昵惟其能

欲進君子退小人此王者之言也而魏徵之所謂才者小人之才也高陽氏有子八人天下以為才其所以為才者曰齊聖廣淵明允篤誠高辛氏有子八人天下以為才其所以為才者曰忠肅恭懿宣慈惠和

左文十八年高陽氏有才子八人蒼舒隤敷禱戡大臨扈降庭堅仲容叔達齊聖廣淵明允篤誠天下之民謂之八愷高辛氏有才子八人伯奮仲堪叔獻季仲伯虎仲熊叔豹季杼忠肅共懿宣慈惠和天下之人謂之八元共音恭隤音頽敷五才切
持音逃戡音演扈莫江切降下江切
周公制禮作

樂

記明堂位周公制禮作樂

孔子以為才

語曰如有周公之才之美然

則古之所謂才者兼德行而言也後世之所謂才者

辯給以禦人

語五衆人以口給

詭詐以用兵僻邪險詖

音秘

趨

利就事是以天下多亂職斯人之用於世也在易師

之上六曰開國承家小人勿用必亂邦也

易師卦上六大君有

命開國承家小人勿用必亂邦也王弼云小人勿用非其道也

既濟曰高宗伐鬼方

三年克之小人勿用

易既濟九三高宗伐鬼方三年克之小人勿用王弼云履得其

位君子處之故能興也

王者創業垂統

孟公孫且居子創業垂統

為可敷求哲人以遺後嗣

書伊訓敷求哲人

故能長

繼也

傳輔於爾後嗣

世也豈其以天下未定而可專用小人之才歟夫有才無行之小人無時而可用退之猶懼其或進也豈可先用而後廢乃取才行兼備之人乎徵之學駁而不純故所以輔道其君者卒不至於三王之治也

九年十一月以光祿大夫蕭瑀為特進復令參預政事帝曰武德六年以後高祖有廢立之心而未定我不為兄弟所容實有功高不賞之懼斯人也不可以利誘不可以死脅真社稷臣也因賜瑀詩曰疾風知勁草板蕩

識誠臣

臣祖禹曰太宗以蕭瑀無貳心於已而嘉之可謂能知臣矣且太子在而私於藩王者明主之所甚惡也

惡鳥故切

或誘以利或脅以死而從之者不亦多乎惟瑀

介然自立有隕無貳太宗所以知其臨大節而不可

奪也

語八臨大節而不可奪也君子人歟君子人也

人君以此取於人豈不

得忠正之士也

十年八月帝謂群臣曰朕開直言之路以利國也而比

來上封事者多許人細事自今復有為是者以讒人罪之

臣祖禹曰太宗欲開直言而惡告許

許謂攻發人之陰私惡為故切

許居切

不惟望讒而又罪之

書舜典帝曰朕望讒說殄行望音即

可謂至

明且遠矣

語十二可謂明也已矣可謂遠也已矣

此為君為長之道也

長丁丈切

文德皇后崩十一月葬昭陵帝念后不已於苑中作層

觀以望昭陵嘗引魏徵同登使視之徵熟視曰

熟與孰同臣

昏眊不能見帝指視之徵曰臣以為陛下望獻陵若昭

陵則臣固見之矣帝泣為毀觀

為下偽切

臣祖禹曰魏徵可謂能以義正君矣造次不忘納之

於善

造七報切

恐其薄於孝而厚於愛也孟子曰唯大人

為能格君心之非

孟離婁云

若魏徵近之矣

十一年二月帝自為終制初文德皇后疾篤言於帝曰

妾生無益於人不可以死害人願勿以丘壠勞費天下

因山為墳器用瓦木而已及葬帝復為文刻之石稱皇

后節儉遺言薄葬以為盜賊之心止求珍貨既無珍貨

復何所求朕之本志亦復如是王者以天下為家何必

物在陵中乃為已有今因九峻山為陵

峻祖紅切

鑿石之工

纔百餘人數十日而畢不藏金玉人馬器皿皆用土木

形具而已庶幾姦盜息心存沒無累當使百世子孫奉

以為法至是帝以漢世豫作山陵免子孫蒼猝勞費

蒼猝

桑反猝倉沒反又志在儉葬恐子孫從俗奢靡於是自為終制

因山為陵容棺而已

臣祖禹曰厚葬之禍古今之所明知也夫藏金玉於

山陵是為盜積而標示其處也豈不殆哉

殆危也

是以

自漢以來無不發之陵

謂盜發其塚

後之人主知其有害

無益而姑為之賈禍

賈音古招也

迹相接而莫之或戒也

太宗雖為終制以戒子孫而昭陵之葬

文德皇后姓長孫崩葬昭

陵亦不為儉及唐之末不免暴露之患豈非高宗之

過乎

帝幸洛陽至顯仁宮官吏以闕儲侍有被譴者魏徵諫

曰陛下以儲待譴官吏臣恐承風相扇異日民不聊生
殆非行幸之本意也昔煬帝諷郡縣獻食視其豐儉以
為賞罰故海內叛之此陛下所親見奈何欲效之乎帝
驚曰非公不聞此言因謂長孫無忌曰朕昔過此買飯
而食僦舍而宿今供頓如此豈得猶嫌不足乎

臣祖禹曰富而不忘貧則能保其富矣貴而不忘賤
則能保其貴矣夫以萬乘之貴

唐段秀實傳天子萬乘乘去聲

四海

之富而猶以為不足何哉忘其始之賤貧而欲大無

窮也是以高宗舊勞于外爰暨小人及其即位卒為

賢君

書無逸高宗舊勞于外爰暨小人作其即位暨音洎

文王卑服即康功田

功

同上文王卑服即康功田功徽柔懿恭惠鮮齔寡孔安國曰文王節儉卑其衣服以就安人之功以

就田功

周公作書以戒成王恐其不知稼穡之艱難而

驕逸也

同上周公作無逸曰嗚呼君子所其無逸先知稼穡之艱難乃逸孔安國曰稼穡為農夫

艱難事

漢文有言曰朕能任衣冠念不至此是以恭儉

愛民唯恐煩之嗚呼其可謂有德者矣若太宗聞諫

而能自省不亦賢乎

三月帝宴洛陽宮西苑泛積翠池顧謂侍臣曰煬帝作此宮苑結怨於民今日悉為我有正由宇文述虞世基裴蘊之徒內為諂諛外蔽聰明故也可不戒哉

臣祖禹曰太宗可謂不忘戒矣觀隋之宮苑而以諂諛掩蔽戒群臣夫知彼之所以亡則圖我之所以存而不敢怠也此三王之所由興也

八月馬周上疏其畧曰貞觀之初天下饑歉斗米直匹絹而百姓不怨者知陛下憂念不忘故也今比年豐穰

匹絹得粟十餘斛而百姓怨咨者知陛下不復念之多
營不急之務故也自古以來國之興亡不以蓄積多少
在於百姓苦樂且以近事驗之隋貯洛口倉而李密因
之東都積布帛而世充資之西京府庫亦為國家之有
至今未盡夫蓄積固不可無要當人有餘力然後收之
不可強歛以資寇強去聲敵夫儉以息人陛下已於貞觀
之初親所履行在於今日為之固不難也陛下必欲為
長久之謀不必遠求上古但如貞觀之初則天下幸甚

臣祖禹曰紂積鉅橋之粟

史記紀紂有鉅橋之粟服虔曰鉅橋名許慎曰鉅

鹿水之大橋有漕粟也

武王發之

書武成發鉅橋之粟大者于四海北安國云紂所積之府

庫皆散發以賑貧民

人主不務德而務聚斂者民散而國亡太

宗在位寢久將外事四夷內治宮室聚財積穀欲以

有為馬周先事而諫欲如初年之節儉可謂將順其

美而救其惡矣

孝經事君章將順其美匡救其惡

十二年九月帝問侍臣創業守成就難房玄齡對曰草

昧之初與群雄並起角力而後臣之創業難矣魏徵曰

自古帝王莫不得之於艱難失之於安逸守成難矣帝
曰玄齡與吾共取天下出百死得一生故知創業之難
徵與吾共安天下常恐驕奢生於富貴禍亂生於所忽
故知守成之難然創業之難既已往矣守成之難方當
與諸公慎之

臣祖禹曰自古創業而失之者寡守成而失之者多
周公曰相小人厥父母勤勞稼穡厥子乃不知稼穡
之艱難

書無逸相小人厥父母勤勞稼穡厥子乃不知稼穡之艱難相視也去聲孔安國云視小

人不孝者其父母躬稼
穡而子乃不知其勞

故禍亂未嘗不生於安逸也

然非特創業之君守成為難其後嗣守成尤難也可

不慎哉

十三年五月旱詔五品以上上封事魏徵上疏以為陛下志業比貞觀之初漸不克終者凡十條其間一條以為比年以來輕用民力乃云百姓無事則驕逸勞役則易使自古未有因百姓逸而敗勞而安者也此恐非興邦之至言帝深加獎歎云已列諸屏障朝夕瞻仰并錄

付史官仍賜徵黃金十斤廐馬二匹

臣祖禹曰有國者不憂百姓之貧而疑其財之有餘

取之不巳不恤百姓之勞

恤憂也

而疑其力之有餘使

之不巳此二者亡之道也人主曷不反諸巳巳欲富

而惡貧

惡烏切下同

則富者民之所欲也已欲逸而惡勞

則逸者民之所欲也

前晁錯傳對文帝策人情莫不欲富人情莫不欲逸

與其


所欲去其所惡而不王者未之有也

孟梁惠王然而不王者未之有

也王去聲

以太宗之明而養民不及其初宜魏徵以為漸

不克終也



唐鑑卷四

欽定四庫全書

史部
唐鑑卷五至七

詳校官編修臣錢樾

編修臣程嘉謨覆勘

總校官庶吉士臣何思鈞

校對官中書臣潘奕雋

謄錄監生臣黃熙純

欽定四庫全書

唐鑑卷五

宋 范祖禹 撰

呂祖謙 註

太宗三

貞觀十四年帝大徵天下名儒為儒官數幸國子監使之講論增學生滿三千二百六十員自屯營飛騎亦給博士使授以經有能通經者聽得貢舉於是四方學者雲集京師乃至高麗百濟新羅高昌吐蕃諸酋長亦遣

子弟請入國學升講筵者至八千餘人

臣祖禹曰古之教者家有塾黨有庠遂有序國有學

記學記古之教者家有塾黨有庠術有序國有學鄭氏云術當為遂門側之堂謂之塾周禮五百家為黨

又鄉遂在遠郊之外士脩之於家而後升于鄉升于鄉而後升于

國升于國而後達于天子其教之有素其養之有漸故

成人有德小子有造思齋詩肆成人有德小子有造毛詩云造為也鄭氏曰成人謂大夫

士也小子其弟子也文王在于宗廟如此賢才不可勝

叙言大夫士皆有德小子皆有所成造

用勝平聲由此道也後世鄉里之學廢人君能教者不過

聚天下之士而烏合於京師

如鳥鴉之合散

學者衆多炫耀

一時而已非有教育之實也唐之儒學惟貞觀開元

為盛

唐儒學傳太宗文治煥然三代之盛所未聞也唐三百年之盛稱貞觀經籍大備又稱開元焉

其人才之所成就者亦可觀矣孟子曰學所以明人

倫也

孟滕文公學則三代共之皆所以明人倫也

無學則人倫不明故有

國者以為先

記學記夫古之王者建國君民教學為先

如不復三代之制

臣未知其可也

八月侯君集滅高昌帝欲以高昌為州縣魏徵諫曰陛

下初即位高昌王文泰夫婦首來朝其後稍驕倨故王誅加之罪止文泰可矣宜撫其百姓存其社稷復立其子則威德加于遐荒四夷皆悅服矣今若利其土地以爲州縣州縣則常須千人鎮守數年一易往來死者十有三四供辦衣資遠離親戚十年之後隴右虛耗矣陛下終不得高昌撮粟尺帛以佐中國所謂散有用以事無用臣未見其可帝不從九月以其地爲西州置安西都護府于交河城留兵鎮之于是唐地東極于海西至

馬耆南盡林邑北抵大漠皆為州縣東西九千五百里
南北一萬九百一十八里

臣祖禹曰魏徵之言其利害非不明也以太宗之智
豈不足以知之惟其好大而喜遠矜功而循名

唐本紀贊

太宗好大喜功窮兵於遠

不能以義制心

書仲虺之誥以義制事以禮制心

故忠

言有所不從而欲前世帝王皆莫我若也

十一月禮官奏請加高祖父母服齊衰五月

齊音咨衰音催嫡

子婦服暮嫂叔弟妻夫兄舅皆服小功從之

臣祖禹曰人莫不有本自高祖以上推而至于無窮苟或知之何可忘其所從來也既遠矣則服有時而絕先王之意不足以爲法也嫂叔無服古之人豈於其嫂獨無恩乎傳曰其夫屬乎父道者妻皆母道也其夫屬乎子道者妻皆婦道也至于嫂不可以爲母則無屬乎妻道者也故推而遠之以明人倫加之而無義不若不加之爲愈也凡喪服從先王之禮則正矣

言太宗從禮官奏加服不喻先王之禮制

十二月魏徵上疏以為委大臣以大體責小臣以小事為治之道也今委之以職則重大臣而輕小臣至于有事則信小臣而疑大臣信其所輕疑其所重將以致治其可得乎帝納之

臣祖禹曰昔衛獻公捨大臣而與小臣謀

獻公定故

失國出奔

獻公奔齊在外十二年

且大臣之所任者大小臣之

所任者小而以小謀大以遠謀近此人君偏聽之蔽

鮮有不敗事者也

鮮先典切

帝謂侍臣曰朕雖平定天下其守之甚難魏徵曰臣

聞戰勝易守勝難

易音異

陛下之言及此宗廟社稷之福

也

臣祖禹曰書曰后克艱厥后臣克艱厥臣

書大禹謨后克艱厥

后臣克艱厥臣政乃乂

又曰無輕民事惟艱

書太甲無輕民事惟艱無安厥位惟

危孔子曰為君難

語十三子曰為君難為臣不易如知為君之難也不幾乎一言而興

邦夫知所難而後可以有為也傳曰君以為易則其

難也將至矣君以為難則其易也將至焉太宗知守

之之難所以能有終也

言事者多請帝親覽表奏以防壅蔽帝以問魏徵對曰
斯人不知大體必使陛下——親之豈唯廟堂州縣之
事亦當親之矣

臣祖禹曰人主之職在于任賢得賢則萬事治何憂
乎壅蔽而防之哉苟知其非賢而姑用之姑且既用

而復疑之以一人之聰明而欲周天下之務則君愈

勞而臣愈惰也此治功所以不成也

此言人君當誠信待賢不可少

有疑慮 且君臣日與相處而眊眊然防其欺蔽之不暇

眊眊目相視孟子使民眊眊然眊與眊同 則是左右前後皆不可信也然

則誰與為治乎

十五年帝遣職方郎中陳大德使高麗

使去聲 麗平聲

八月自

高麗還大德初入其境欲知其山川風俗所至城邑以

綾綺遺其守者曰

遺去聲

吾雅好山川

好去聲

此有勝處

去聲

吾欲觀之守者喜道之遊歷無所不至往往見中國人自云家在某郡隋末從軍沒于高麗妻以遊女與高麗

錯居

錯雜也

殆相半也因問親戚存沒大德給之曰

給徒海切

皆無恙咸涕泣相告數日後隋人望之而哭者徧于郊野大德言于帝曰其國聞高昌亡大懼館候之勤加於常數帝曰高麗本四郡地耳吾發卒數萬攻遼東彼必傾國救之別遣舟師出東萊自海道趨平壤水陸合勢取之不難但山東州縣彫瘵未復不欲勞之耳

臣祖禹曰大德出使絕域當布宣德澤以懷遠人使

聲教所及

書大禹謨朔南暨聲教使使去聲下如字

無思不服

文王有聲詩自西自

東自南自北
無思不服

此其職也而以賂遺覘其險阻

遺去聲
覘癡廡

切說文
視也

詭詐誘其民人以為奇能藉口歸報啓人主

征伐之志罪之大者也且天子之使四夷之所想望

而為謀于外國

謀間也
音牒

失使之職豈不辱乎

帝謂侍臣曰朕有二喜一懼比年豐稔長安斗粟直三四錢一喜也北虜久服邇鄰無虞二喜也治安則驕侈易生驕侈則危亡立至此一懼也

臣祖禹曰太宗樂而不忘憂喜而不忘懼可謂能持

盈守成矣

見驚太平之君子能持盈守成

夫惟憂于未然懼于無形

故卒無憂懼也

帝嘗臨朝謂侍臣曰朕為天子常兼將相之事給事中張行成退而上書以為禹不矜伐而天下莫與之爭陛下撥亂反正群臣誠不足望清光然不必臨朝言之以萬乘之尊乃與群臣校功爭能臣竊為陛下不取帝甚善之

臣祖禹曰人主不患有過患不能改過也太宗一言

之失而其臣已救正之惟能親賢以自輔

董仲舒策求賢以自

輔聽諫以自防

淇澳詩有文章又能聽其規諫以禮自防

所以為美也雖

過庸何傷乎

十六年四月帝謂諫議大夫褚遂良曰卿猶知起居注所書可得觀乎對曰史官書人君言動備記善惡庶幾人君不敢為非未聞自取而觀之也帝曰朕有不善卿亦記之耶對曰臣職當載筆不敢不記黃門侍郎劉洎曰借使遂良不記天下亦皆記之帝曰誠然

臣祖禹曰人君善行被于天下炳若日月衆皆覩之

其得失何可私也欲其可傳于後世

離婁下舜為法於天下可傳於

後世莫若自脩而已矣何畏乎史官之記而必自觀之

邪劉洎以為天下亦皆記之斯言足以儆其君心而

全其臣職矣

八月帝曰當今國家何事最急褚遂良曰今四方無虞
唯太子諸王有定分最急帝曰此言是也時太子承乾
失德魏王泰有寵群臣日有疑議帝聞而惡之謂侍臣

曰方今群臣忠直無踰魏徵我遣傳太子絕天下之疑
九月以徵為太子太師時徵有疾小愈當詣朝表辭帝
手詔諭以周幽晉獻廢嫡立庶危國亡家漢高祖幾廢
太子賴四皓然後安我今賴公即其義也知公疾病可
卧護之徵乃受詔

臣祖禹曰魏徵之于太宗知無有不言言無有不盡
君臣之際人莫得而間也當是時太子魏王方爭群
臣有黨徵不知之是不明也知而不言是隱情也且

君使之為太子師倚其正直以重太子也外不聞告
其君以嫡庶之別內不聞訓太子以禍敗之戒受君
之託而無補救處父子兄弟疑危之際依違而已

是

詩謀之其滅則具是違
謀之不滅則具是依

豈其疾而耄乎卒之身故而

見疑讒人得以間之惜哉

間側也
去聲

初高昌既平歲發兵千餘人戍其地褚遂良上疏曰陛
下興兵取高昌數郡蕭然累年不復歲調千餘人屯戍
遠去鄉里破產辦裝又謫徒罪人皆無賴子弟適足騷

擾邊鄙豈能有益行陳所遣多復逃亡徒煩追捕加以
道塗所經沙磧千里冬風如割夏風如焚行人往來遇
之多死設使張掖酒泉有烽燧之警陛下豈得高昌一
夫斗粟之用終當發隴右諸州兵食以赴之耳然則河
西者中國之腹心高昌者他人之手足也奈何糜敝本
根以事無用之土乎且陛下得突厥吐谷渾皆不有其
地為之立君長以撫之高昌獨不得與為比乎叛而執
之服而封之刑莫威焉德莫厚焉願更擇高昌子弟可

立者使君其國子子孫孫負荷大恩永為唐臣內安外
寧不亦善乎帝弗聽及西突厥入寇帝悔之曰魏徵褚
遂良勸我復立高昌吾不用其言今方自咎耳

臣祖禹曰有國者喪師之禍小而或以霸

喪去聲

秦穆

公越王句踐是也

句音勾

得地之禍大而或以亡楚靈

王齊湣王是也

湣音昏

是故廣地不若廣德

後臧官傳務廣德者強

強兵不若強民先王患德之不足而不患地之不廣
患民之不安而不患兵之不強封域之外聲教所不

及者

唐蠻夷傳荒服之外
聲教不逮逮及也

不以煩中國也

淮南子自
三代之盛

胡越不與受正朔
不足以煩中國耳

太宗不從忠諫卒自咎悔況不若

太宗之強盛而可為乎

帝嘗指殿下樹愛之殿中監宇文士及從而譽之不己

帝正色曰魏徵嘗勸我遠佞人

遠去聲

我不知佞人為誰

意疑是汝今果不謬士及叩頭謝

臣祖禹曰大禹曰何畏乎巧言令色孔壬

書皋陶謨
禹曰能哲

而惠何憂乎驩兜何遷乎有苗何畏乎巧言令色孔
壬孔氏云孔甚也巧言靜言庸違令色象恭滔天

孔子曰佞人殆

語十五子曰遠佞人佞人殆殆危也

佞人者止於諛悅

順從而已近之必至於殆何也彼佞人者不知義之所在而惟利之從故也利在君父則從君父利在權臣則附權臣利在敵國則交敵國利在戎狄則親戎狄利之所在則從之利之所去則違之於君父何有哉忠臣則不然從義而不從君從道而不從父使君不陷于非義父不入于非道故雖有所不從其命將以處君父于安也君有不義不從也而況于權臣乎

父有不義不從也而況于他人乎臣之佞者其始莫

不巧言令色

同上註又語一巧言令色足恭未必有悖逆

之心及其患失則無所不至終於弑君亡國者皆始

之諛悅順從者也是故堯舜畏之以比驩兜有苗

書

陶謨何憂乎驩兜何遷乎有苗孔子以為殆

語十五子曰佞人殆

人君可不遠之乎

十七年二月帝問褚遂良曰舜造漆器諫者十餘人此何足諫對曰奢侈者危亡之本漆器不已將以金玉為

之忠臣愛君必防其漸若禍亂已成無所復諫矣帝曰
然朕有過卿亦當諫其漸朕見前世帝王拒諫者多云業
已為之或云業已許之終不為改如此欲無危亡得乎
臣祖禹曰所貴乎賢者為其能止亂于未然閑邪于
未形也易乾卦閑邪存其誠若其已然則衆人之所知也何賴
于賢乎危亡之言惟明主能信而闇主忽焉是以自
古無事之時常患乎諫之難入也今有人康強而無
疾或告之以多言之損氣多食之致死彼愛其身者

聞之必惕焉兢兢而不忘

小旻詩戰戰兢兢如則疾臨深淵如履薄冰

疾何自而生矣彼恃其強者聞之不惟不信而又艱

然

艱音弗不悅貌孟公孫丑魯西艱然不悅曰

是人也

不病則已病則忽焉而死雖欲救無及矣從諫之與拒諫者何以異于

是故聖主能從諫於未然賢主能改過于已然諫而

不聽者斯為下矣忠臣之事上君也亦諫其未然事

中君也多諫其已然事闇君也

闇與暗同不明也

救其橫流

故有以諫殺身者矣

如龍逢比干之屬

唐虞之時群聖聚于

朝無過舉矣憂其所當憂戒其所當戒而已故常有
儆懼之言其慮患豫也至于後世令主其賢臣多諫
其已然而防其未然太宗求諫于群臣其有意于防
未然者乎

帝曰人主惟有一心而攻之者甚衆或以勇力或以辯
口或以謠諛或以姦詐

姦與奸同

或以嗜慾輻輳攻之各求

自售以取寵祿人主少懈而受其一則危亡隨之此其
所以難也

臣祖禹曰人主不可以有偏好去聲偏好者姦邪之所

趨而諂賊之所入也

姦與奸同

書曰惟精惟一允執厥中

書大禹謨舜命禹曰人心惟危道心惟微惟精惟一允執厥中夫如是則衆莫得而

攻之矣

太常丞鄧素使高麗還請于懷遠鎮增戍兵以逼高麗
帝曰遠人不服則脩文德以來之未聞一二百戍兵能
威絕域者也

臣祖禹曰太宗以增戍兵不若脩文德其言豈不美

哉然非能行之直以辨折其臣下而已

特也

猶言其始

不欲增戍而卒親征之

太宗親身伐高麗高麗蠻夷之國麗平聲

不為其

小而為其大豈大者足以勝德乎書曰非知之艱行

之惟艱

書說命傳說戒高宗曰非知之艱行之惟艱王忱不艱允協于先王成德

太宗之

謂矣

唐鑑卷五

欽定四庫全書

唐鑑卷六

宋 范祖禹 撰

呂祖謙 註

太宗四

初帝謂監修國史房玄齡曰前世史官所記皆不令人主見之何也對曰史官不虛美不隱惡若人主見之必怒故不敢獻也帝曰朕之為心異于前代帝王欲自觀國史知前日之惡為後來之戒公可譔次以聞諫議大

夫朱子奢上疏諫帝不從玄齡乃與給事中許敬宗等刪定為高祖今上實錄書成上之帝見書殺建成元吉事多微隱謂玄齡曰昔周公誅管蔡以安周季友鳩叔牙以存魯朕之所為亦類是耳史官何諱焉命削去浮詞直書其事

臣祖禹曰古者官守其職史書善惡

如下字

君相不與

焉

相去聲與讀如預

故齊太史兄弟三人死於崔杼而卒不

沒其罪

史齊世家崔杼弑齊君齊太史書曰崔杼弑莊公崔杼殺之其弟復書崔杼復殺之少弟

復書崔杼此奸臣賊子所以懼也後世人君得以觀
乃舍之

之而宰相監修欲其直筆不亦難乎司馬遷有言曰
文史星厯近乎卜祝之間蓋止於執簡記事直

書其實而已非春秋有褒貶賞罰之文也

杜預左傳
序春秋以

一字定
褒貶

後之為史者務褒貶而忘事實失其職矣人

君任臣以職而宰相不與史事

與讀
曰預

則善惡庶乎其

信也

十八年正月帝欲伐高麗褚遂良諫李世勣追咎魏徵

諫討薛延陀帝欲自征高麗遂良上疏以為天下譬猶一身兩京心腹也州縣四肢也四夷身外之物也高麗罪大誠當致討命猛將將四五萬衆仗陛下威靈取之如反掌耳今太子新立年尚幼穉自餘藩屏陛下所知一旦棄金湯之全踰遼海之險以天下之君輕行遠舉皆愚臣之所甚憂也帝不聽

臣祖禹曰高麗臣屬於唐而其主為賊臣所弑為大國者不可不討然高麗之大未如突厥其險遠不過

於高昌吐谷渾

皆蠻夷國名

此三國者皆命將帥以偏師

取之遂墟其國

墟荒也

何獨至于高麗而欲自征之乎

太宗若從遂良之言雖伐而不克亦未失也

八月帝謂司徒無忌等曰人苦不自知其過卿可為朕明言之對曰陛下武功文德臣等順之不暇又何過乎可言帝曰朕問公以已過公等乃曲相諛悅朕欲面舉公等得失以相戒而改之何如皆拜謝帝曰長孫無忌善避嫌疑應物敏速決斷事理而總兵攻戰非其所長

高士庶涉獵古今心術明達臨難不改節當官無朋黨

所乏者骨鯁規諫耳唐儉言辭辨捷善和解人事

解上聲

朕三十年遂無言及於獻替楊師道性行純和自無愆
失而情實怯懦緩急不可得力岑文本性質敦厚文章
華贍而持論常據經遠自當不負於物劉洎性最堅貞
有利益然其意尚然諾私于朋友馬周見事敏速其性
貞正論量人物直道而言朕比任使多能稱意褚遂良
學問稍長性亦堅正每寫忠誠親附於朕譬如飛鳥依

人人自憐之

臣祖禹曰君臣以道相與以義相正者也

記禮運君臣相正國

之肥也

故先王以群臣為友有朋友之義非徒以上下

之分相使而已太宗欲聞過于無忌而無忌納諫以

悅之君好直而臣不忠

好呼報切

其罪大矣而太宗論群

臣之得失其言皆中于理哉

中去聲

褚遂良直道事君

犯顏諫爭

爭去聲

盡忠無隱王魏之比也

珪微

而譬之飛

鳥依人輕侮其臣不恭孰甚焉

十九年帝親伐高麗六月車駕至安市城進兵攻之高麗北部耨薩延壽真帥高麗靺鞨兵十五萬救安市帝謂侍臣曰今為延壽策有三引兵直前連安市城為壘據高山之險食城中之粟縱靺鞨掠吾牛馬攻之不可猝下猝雌骨切欲歸則泥濘為阻坐困吾軍上策也拔城中之衆與之宵遁中策也不度智能來與吾戰下策也卿曹觀之彼必出下策成擒在吾目中矣高麗有對盧年老習事謂延壽曰秦王內芟群雄外服戎狄獨立為

帝此命世之材今舉海內之衆而來不可敵也為吾計者莫若頓兵不戰曠日持久分遣奇兵斷其運道糧食既盡求戰不得欲歸無路乃可勝也延壽不從引軍進戰大敗遂來降

下江切

臣祖禹曰傳曰國無小不可易也

易輕也音異

蓋雖小國

必有智者為之謀勇者致其死則雖以天下之大百萬之衆未可恃以為必勝也高麗對盧之謀正合於太宗所謂上策使延壽而能聽用唐師豈不殆哉

高麗既敗舉國大駭後黃城銀城皆自拔遁去數百里
無復人煙帝驛書報太子與高士廉等書曰朕為將如
此何如

臣祖禹曰太宗之伐高麗非獨特其四海之富兵力
之彊本其少時奮于布衣志氣英果百戰百勝以取
天下治安既久不能深居高拱猶思所以逞志扼腕

踴躍喜于用兵

擊鼓詩踴躍用兵

如馮婦搏虎

孟盡心晉人有馮婦者善

搏虎有衆逐虎虎負嵎莫之敢撻望見馮婦趨而不
迎之馮婦攘臂下車衆皆悅之其為士者笑之不

能自止非有理義以養其志

孟告子理義之悅我心

中和以養

其氣始于勇敢終于勇敢而已矣記曰所貴于勇敢

強有力者貴其敢行禮義也天下無事則用之於禮

義天下有事則用之於戰勝用之於戰勝則無敵用

之於禮義則順治

記聘義有行謂之有義有義謂之勇敢故所貴于勇敢者貴其能以

立義也所貴於立義者貴其有行也所貴於有行者貴其行禮也故所貴於勇敢者貴其敢行禮義也故

勇敢強有力者天下無事則用之于禮義天下有事則用之于戰勝用之于戰勝則無敵用之于禮義則

順治外無敵內順治此之謂盛德故聖王之所貴勇敢強有力如此也勇敢強有力而不用之于禮義戰

勝而用之于爭鬪則謂之亂人敢行如字有行去聲

太宗於天下無事不知用

之於禮義而惟以戰勝為美也是故以天子之尊而

較勝於遠夷一戰而克

克勝也

自以為功矜其智能夸

示臣下

夸大也

其器不亦小哉

凡征高麗拔玄菟等十城

菟音兔

徙遼蓋巖三州戶口入

中國者七萬人新城建安駐蹕三大戰斬首四萬餘級

戰士死者幾三千人

幾音機

戰馬死者什七八帝以不能

成功深悔之歎曰魏徵若在不使我有是行也命馳驛

祀徵以少牢復立所製碑召其妻子詣行在勞賜之勞去聲

臣祖禹曰太宗北擒頡利西滅高昌兵威無所不加

四夷震懾而玩武不已親擊高麗以天下之衆困于

小夷無功而還意折氣沮親見煬帝煬音陽以勤遠亡

國而襲其所為臣以為太宗之征高麗無異於煬帝

但不至于亂亡耳惟不能慎終如始書仲虺之誥慎厥終惟其始

日新其德易大畜剛健篤實輝光日新其德而欲功過五帝地廣三

王是以失之然見危而思直臣知過而能自悔此所以為賢也

二十年六月詔江夏王道宗等擊薛延陀又遣李世勣圖其諸部帝手詔自詣靈州招撫鐵勒八月道宗擊延陀破之鐵勒諸部皆請入朝車駕至浮陽回紇各遣使入貢帝大喜詔以戎狄與天地俱生上皇並列流殃構禍乃自運初朕聊命偏師遂擒頡利始弘廟畧已滅延陀鐵勒百萬餘戶散處北漠遠遣使人委身內屬請同

編列並為州郡混元以降殊未前聞宜備禮告廟仍頒
示溥天九月帝至靈州敕勒諸部俟斤遣使相繼詣靈
州者數千人帝為詩序其事曰雪耻酬百王除凶報千
古明年詔以回紇等諸部為府及州各以其酋長為都
督及刺史諸酋長請于回紇以南突厥以北開一道謂
之參天可汗音寒道置六十六驛各有馬及酒肉以供過
使歲貢貂皮以充租賦帝許之於是北荒悉平然吐迷
度已私自稱可汗官號皆如突厥故事

臣祖禹曰昔武王克商通道于九夷八蠻西旅獻獒

書旅獒西旅獻獒太保作旅獒旅獒惟克商遂通

于九夷八蠻西旅底貢厥獒太保乃作旅獒用訓于

王曰嗚呼明王慎德四夷咸賓無有遠邇畢獻方物

惟服食器用太保召公也獒音教犬也西戎遠夷

貢犬犬故作此書以戒之太保作訓曰不矜細行終累大德為山

九仞功虧一簣

同上夙夜罔或不勤不矜細行終累大德為山九仞功虧一簣允迪茲生

民保厥居惟乃世王孔氏傳云八尺曰仞喻向成也未成一簣猶未為山故曰功虧一簣是以聖人乾乾終日慎因事而戒恐其驕也太宗不得志於東夷欲終如始

收功于北荒因延陀破亡以兵臨之如疾風振槁

枯木

也左衽之民

衽襟也夷狄之人衣皆左衽

解辯內附

辯結髮

自以為

開闢以來未之有也昔之有天下者莫不以冠帶四

夷為盛德大業何哉

易繫盛德大業至矣哉

故嘗試論之曰中

國之有夷狄如晝之有夜陽之有陰君子之有小人

也中國失政則四夷交侵先王所以御之者亦可得

而畧聞矣舜曰而難任人蠻夷率服

書舜典柔遠能通而難任人蠻夷

率服難去聲任平聲下皆如字

又曰無怠無荒四夷來王

書大禹謨益曰吁戒

哉云云無怠無荒四夷來王按此即益戒舜之辭非舜自言

然則欲其率服莫若

難任人欲其來王莫若無怠荒柔遠能邇治內安外

而殊俗之民嚮風慕義

前宣帝紀百蠻嚮風單于慕義

不以利誘不

以威脅而自至矣欲附者則撫之不欲者不強致也

強去聲

故不勞民不費財至于後世之君或以讐疾而

欲殄滅之或愛悅而欲招來之是二者皆非也何則

彼雖夷狄亦猶中國之民也趨利避害欲生惡死豈

有異于人乎

言夷狄雖非中國比類其貪生惡死亦與中國之人同惡鳥故切

王者

於天地之間無不養也鳥獸草木猶當愛之況人類

而欲殘之乎殘之固不可況不能勝而自殘其民乎
仁人之所不為也為之者秦始皇是也山川之所限
風氣之所移言語不通嗜欲不同

記王制五方之民
言語不通嗜欲不

同得其地不可居得其民不可使也列為州縣是崇
虛名而受實弊也且得之既以為功則失之必以為
耻其失不在于已則在于子孫故有征討之勞餽餉
之煩民不堪命而繼之以亡隋煬是也且中國地非
不廣也民非不衆也曷若無得無失修其禮樂政刑

記樂記禮樂刑以惠養吾民使農有餘粟女有餘布

政四達而不悖

孟滕文公農有餘粟女有餘布兵革不試以致太平

記樂記兵革不試諸侯賓服

不亦帝王之盛美乎故有求于外如彼其難也無求

於外如此其易也然而人君常捨所易而行所難何

哉忽近而喜遠厭故而謀新不入于秦則入于隋雖

不至于亡而常與之同事其累德豈細哉

書旅葵不矜細行終

累大德太宗矜其功能好大無窮

前本紀贊好大喜功窮兵于遠好呼

報華夷中外欲其為一非所以遺後嗣安中國之道

遺貽也
去聲

此當以為戒而不可慕也

言當以太宗為戒
不可慕其所為

二十一年二月帝將復伐高麗朝議以為高麗依山為城攻之不可猝拔前大駕親征國人不得耕種所克之城悉收其穀繼以旱災民大半乏食今若數遣偏師更迭擾其疆場音亦使彼疲于奔命釋耒入堡音保數年之間千里蕭條則人心自離鴨綠之北可不戰而取矣帝從之三月以牛進達李世勣為大總管伐高麗

臣祖禹曰太宗以蓋蘇文弑其君故舉問罪之師當

誅其賊臣弔其國人置君而後去之則德刑舉矣而唐師入境貪其土地虜其民人使其父兄子弟流為餓殍且弑君者蓋蘇文也彼高麗之民何罪豈王者之師乎伐而不克益發忿兵乃更欲撓其疆場害其耕稼則是利於為寇非禦寇也

唐高麗傳太宗時蓋蘇文當嗣立建武弟

之子藏為王自為莫離支專國帝拜藏遼東郡王將討蓋蘇文群臣勸毋行帝曰吾知之矣去本而就末舍高而取下釋近而之遠三者不祥伐高麗是也然蓋蘇文弑君戮大臣以逞國人延頸待救議者固未亮耳朕必勝有五以大擊小以順討逆以安乘危以逸敵勞以悅當怨渠憂不克邪今天下大定唯遼東

未賓故自取之不遺
後世憂也誓師而東

八月立皇子明為曹王明母楊氏巢刺王之妃也有寵
於帝文德皇后之崩也欲立以為后魏徵諫曰陛下方
比德唐虞奈何以辰嬴自累乃止尋以明繼元吉後

臣祖禹曰太宗手殺兄弟

太宗殺建
成元吉

曾不愧耻而復

納元吉之妃惡莫大焉苟非用魏徵之言過而遂之

立以為后何以視天下之人乎

視見也云云
視當作示

以明繼

元吉後是章其母之為弟婦也

章讀如彰
明之彰

其瀆人倫

亦甚哉

二十二年六月帝以高麗困弊議明年發三十萬衆一舉滅之或以為大軍東征須備經歲之糧非畜乘之所能載宜具舟艦

音檻下同

為水運隋末劔南獨無寇盜屬者

遼東之役劔南復不預及其百姓富庶宜使之造舟艦帝從之七月遣右領左右府長史強偉于劔南伐木造船艦大者或長百尺其廣半之別遣使行水道自巫峽抵江揚趨萊州偉等發民造船後及山獠雅邛眉三州

獠反

獠音老

九月遣張士貴梁建方發隴右峽中兵二萬

餘人以擊之蜀人苦造船之後或乞輸直顧潭人造船
帝許之州縣督迫嚴急民至賣田宅鬻子女不能供穀
價踊貴劍外騷然帝聞之遣長孫知人馳驛往視之知
人奏稱蜀人脆弱不耐勞劇大船一艘庸絹二千二百
三十六匹山谷已伐之木挽曳未畢復徵庸絹二事併
集民不能堪宜加存養帝乃敕潭州船庸皆從官給
臣祖禹曰昔舜命禹征有苗三旬苗民逆命乃班師

振旅

書大禹謨帝曰咨禹惟時有苗弗率汝徂征禹乃會羣后誓于師曰濟濟有衆咸聽朕命蠢茲

有苗昏迷不恭侮慢自賢反道敗德君子在野小人在位民棄不保天降之咎肆予以爾衆士奉辭罰罪爾尚一乃心力其克有勲三旬苗民逆命益贊于禹曰惟德動天無遠弗届矧茲有苗禹拜昌言曰兪班師振旅帝乃誕敷文德舞干羽于兩階七旬有苗格夫以舜禹征伐猶無功故

用兵非美事也老子曰佳兵者不祥之器

老子道德經云不

得已而用之太宗之伐高麗其得已而不已者乎聖人有不能服則反求諸已故舜舞干羽而格有苗未聞以苗民逆命為忿也太宗不能反已而耻其無功

欲傾天下之力逞志於遠夷何其迷而不復也夫天下如人之一身四方猶四支也師役四支之病也以高麗之役不及于蜀而必欲疲是一支病而使別支皆被其痛此豈愛身之道乎

二十三年四月帝謂太子曰李世勣才智有餘然汝與之無恩恐不能懷服我今黜之若其即行俟我死汝於後用為僕射親任之若徘徊顧望當殺之耳五月以同中書門下三品李世勣為疊州都督世勣受詔不至家

而去

臣祖禹曰太宗以李世勣為何如人哉以為愚也則

不可以託孤幼而寄天下矣

語八可以託六尺之孤可以寄百里之命臨大

節而不可奪君子人歟君子人也

以為賢也當任而勿疑

書大禹謨任賢勿貳

去邪勿疑

何乃憂後嗣之不能懷服先黜之而後用之邪

是以犬馬畜之也夫欲奪其心而折之以威欲得其

力而懷之以恩此漢祖所以馭黥彭之徒

黥布彭越

狙詐

之術也

楊問道御得其道則天下狙詐咸作使御失其道則天下狙詐咸作逆

五伯之

所不為也

伯讀如霸

豈堯舜親賢之道乎

孟盡心堯舜之仁不徧愛人急

親賢也

苟以是心而待其臣則利祿之士可得而使也

賢者不可得而致也若夫祿之以天下而不顧繫馬

千駟而不視者

孟萬章伊尹耕于有莘之野而樂堯舜之道焉非其義也非其道也祿之

以天下弗顧也繫馬千駟弗視也

太宗豈得而用之哉

右太宗在位二十四年崩年五十三

臣祖禹曰太宗以武撥亂以仁勝殘

勝者升語十三子曰善人為邦

百年亦可以勝殘去殺矣

其材畧優于漢高而規模不及也

前高紀其

規模弘遠矣

恭儉不若孝文而功烈過之矣

前梅福傳孝文加之以恭

儉迹其性本強悍勇不顧親而能畏義而好賢

好呼報切

屈己以從諫

唐段平仲傳聖主屈己以從諫

刻厲矯揉力于為善此

所以致貞觀之治也夫賢君不世出

唐本紀贊至治之君不世出

自周武成康歷八百餘年而後有漢漢歷八百餘年

而後有太宗其所成就如此豈不難得哉人主之所

行其善惡是非在後世當其時不可得而辨也故凡

太宗之行事其善與不善臣皆舉其大畧矣老子曰

善人者不善人之師不善人者善人之資

老子道德經云

人君擇其善者而從之

語七擇其善者而從之其不善者而改之

足以得

師其不善者戒之足以為資矣

唐鑑卷六

欽定四庫全書

唐鑑卷七

宋 范祖禹 撰

呂祖謙 註

高宗

永徽元年正月太宗女衡山公主應適長孫氏有司以
為服既公除欲以今秋成昏于志寧言漢文立制本為
百姓公主服本斬衰縱使服本例除豈可情隨例改請
俟三年喪畢成昏帝從之

臣祖禹曰君喪三年古未之改也漢文率情變禮雖欲自損以便人而不知使人入于短喪也自是以後民不知戴君之義而嗣君遂亦不為三年之服唐之人主鮮能謹于禮者故有公除而議昏亮陰而舉樂忘父子之親固不可矣然如漢文之制志寧之議是亦有父子而無君臣也內無父子外無君臣而欲教化行禮俗成難矣為國家者必務革漢文之薄制遵三代之隆禮教天下以方喪三年則衆著于君臣之

義矣

三年正月梁建方大破處月朱邪孤注御史劾奏建方逗留不進高德逸救令市馬自取駿者帝以建方等有功釋不問大理卿李道裕奏言德逸所助之馬筋力異常請實中廐帝謂侍臣曰道裕法官進馬非其本職妄希我意豈朕行事不為臣下所信邪朕方自咎故不欲黜道裕耳二月甲寅帝御安福門樓觀百戲觀去聲乙卯謂侍臣曰昨登樓欲以觀人情及風俗奢儉非為聲樂

朕聞胡人善為擊鞠之戲嘗一觀之昨初升樓即有群胡擊鞠意謂朕篤好之也帝王所為豈宜容易朕已焚此鞠

易音異

冀杜胡人窺望之情亦因以自誠

臣祖禹曰高宗即位之初日引刺史問民疾苦尊禮

輔相恭己以聽故永徽之政有貞觀之風

唐長孫無忌傳初無

忌與褚遂良悉心奉國以天下安危自任故永徽之政有貞觀之風帝亦賓禮老臣拱己以聽云察

道裕希旨而自責行己之不足取信觀胡人進戲而
知所好之不可不慎率是道也豈不足為賢君哉不

數年而悖謬昏亂忠臣不可諫骨肉不相保雖享國

之日久卒成武氏之篡何哉

同上奸臣陰圖帝暗於聽受卒以屠覆自是政

歸武氏幾至亡國

初親賢後用佞也書曰孺子其朋孺子其

朋其往

書洛誥孺子其朋孺子其朋其往無若大始齟齬厥攸灼叙弗其絕

周公所以

戒成王也況高宗乎

五年九月帝謂五品以上曰頃在先帝左右見五品以上論事或仗下面陳或退上封事終日不絕豈今日獨無事邪何公等皆不言也

臣祖禹曰太宗嘉納直言導群臣以諫爭

唐魏徵傳上太宗疏

陛下貞觀之初尊人使諫爭爭音諍

是以論闕失者日相繼也後嗣承

其餘烈以高宗之闇而求言于臣下如此由其祖宗

為之法也詩曰詒厥孫謀以燕翼子

文王有聲詩豐水有芑武王豈

不仕詒厥孫謀以燕翼子毛氏云燕安翼敬也鄭氏云詒傳也孫順也

太宗之謂矣

帝欲廢王皇后立武昭儀畏大臣不從乃與昭儀幸太

尉長孫無忌第酣飲極驪席上拜無忌寵姬子三人皆

為朝散大夫仍載金寶繒錦十車以賜無忌帝因從容

言皇后無子以諷無忌無忌對以它語竟不順旨帝及
昭儀皆不悅而罷昭儀又令母楊氏詣無忌第屢有祈
請無忌終不許衛尉卿許敬宗亦數勸無忌無忌厲色
折之

臣祖禹曰高宗欲廢后而立妾故官無忌妾子又重
賂以悅之誘之以利非德賞也而無忌受其官與賜
豈未之思乎夫大臣欲以義正君而先沒於利不足
以為重矣無忌苟辭其官反其賜而不受使其君知

大臣之不可誘以利亦足以格其非心

書罔命繩愆糾繆格其非

心而益見憚矣

憚忌也

無忌不知出此卒使武后怨其

受賜而不助已姦臣得以入其謀高宗無足譏焉惜乎無忌之不學也

六年九月帝召大臣欲廢皇后立武昭儀李勣稱疾不入褚遂良以死爭帝大怒長孫無忌曰遂良受先朝顧命有罪不可加刑韓瑗涕泣極諫又上疏諫來濟上表諫帝皆不納他日李勣獨入見帝問之曰朕欲立武昭

儀為后遂良固執以為不可遂良既顧命大臣事當且已乎對曰此陛下家事何必更問外人帝意遂決

臣祖禹曰高宗欲廢立而猶難於顧命大臣

孔安國書傳臨

終之命曰顧命

取決於李勣之言勣若以為不可則武氏必

不立矣勣非惟不諫又勸成之孽后之立無忌遂良之死唐室中絕皆勣之由其禍豈不博哉太宗以勣

為忠託以幼孤而大節如此

見上注

書曰知人則哲惟

帝其難之

書皋陶謨皋陶曰都在知人在安民禹曰吁成若時惟帝其難之知人則哲能官人

安民則惠
黎民懷之
信矣

麟德二年二月帝語及隋煬帝謂侍臣曰煬帝拒諫而亡朕常以為戒虛心求諫而竟無諫者何也李勣對曰陛下所為盡善群臣無得而諫

臣祖禹曰甚矣李勣之佞也陷君於惡又謫以悅之君有求諫之心而臣無納忠之志其罪大矣勣本群盜不學無識可為將而不可為相

唐本傳大業末翟讓為盜勣年十七往從

之將相以輔少主

同上帝疾謂太子曰爾於勣無恩今以事出之我死宜即授以僕射

並去聲

彼必致死力矣乃授豐州都督高宗立召進開府儀同三司同中書門下參掌樞密遂為尚書右僕射

居伊周之地

伊尹輔太甲周公輔成王

非其任矣

總章元年四月彗星見於五車帝避正殿減常膳撤樂

許敬宗等奏請復常曰彗星見東北

見音現

高麗將滅之

兆也帝曰朕之不德謫見于天豈可歸咎小夷且高麗百姓猶朕之百姓也不許戊辰彗星滅

臣祖禹曰天垂象聖人則之

易繫辭天垂象見吉凶聖人則之

三辰

之書

三辰日月星辰皆過也

天所以警戒人君也昔齊景公欲

襍彗星晏子曰彗所以除穢君無穢德又何穢焉若

德之穢穢之何損

左昭二十六年齊有彗星齊侯使左昭之晏子曰無益也祇取誣焉天

道不謫不貳其命若之何穢之且天之有彗也以除穢也君無穢德又何穢焉若德之穢穢之何損君無

違德方國將至何患於彗若德回亂民將流亡祝史之為無能補也公說乃止而許敬宗謫

謾入主歸咎高麗豈不矯誣上天乎高宗庸昏而猶

能出人君之言其至誠足以動天矣然則自古失道

之君未必其身親為不善也姦佞之臣納之於惡者

盖多矣亦可以為戒哉

二年八月詔以十月幸涼州時隴右虛耗議者多以為未宜遊幸帝聞之御延福殿召五品以上謂曰自古帝王莫不巡守故朕欲巡視遠俗若果以為不可何不面陳而退有後言何也自宰相以下莫敢對詳刑大夫來公敏獨進曰巡守雖帝王常事然今高麗新平餘寇尚多西邊經畧亦未息兵隴右戶口彫弊鑾輿所至供億百端誠為未易外間實有竊議但明制已行故群臣不敢陳論耳帝善其言為之罷西巡未幾擢公敏為黃門

侍郎

臣祖禹曰自褚遂良韓瑗來濟之逐

唐本傳褚遂良貶愛州刺史卒

韓瑗貶振州卒王崇曰武后遣使殺之來濟坐貶庭州卒長孫無忌之死

唐本傳無忌詔

削官爵置于黔州卒

天下以言為諱久矣而高宗責群臣之不

言若賢主之所為何哉蓋親見太宗孜孜求諫聽受

直言於心不忘而欲慕其名是以時亦為之及其溺

於所愛不顧禮義則雖以元舅之親

無忌高宗舅

顧命之

臣遂良長孫無忌受太宗遺詔遂良傳太宗寢疾召遂良長孫無忌曰漢武帝寄霍光劉備托諸葛亮

朕今委卿矣太子以先帝遺言爭之確乎其不可入仁孝其盡誠輔之

也易乾卦確乎其不可拔也涼州之不行得非武后之意乎何其

從諫之易也易音異且不從其大而從其細雖曰能聽

諫而謹其細行書旅葬不矜細行終累大德行去聲亦不免溺於大惡

也惡如字

十一月李勣寢疾謂弟弼曰我見房杜平生勤苦僅能立門戶遭不肖蕩覆無餘吾有子孫今悉付汝我死謹察視之其有志氣不倫交遊非類者皆先撻殺然後以

聞自是不復更言

臣祖禹曰易曰積善之家必有余慶積不善之家必

有餘殃

易坤卦積善之家必有余慶積不善之家必有余殃臣弑其君子弑其父非一朝一夕之

故其所由來者漸矣由辨之不早辨也

君子如欲澤及其子孫世守其

門戶則莫若積善以遺之而已矣房杜事君以忠其

子孫不肖覆宗絕祀出于不幸非其積不善也李勣

一言而廢母后立孳后殺忠臣

唐本傳帝欲立武昭儀為皇后畏大臣異

議未決帝召勣與長孫無忌于志寧褚遂良計之勣稱疾不至帝曰皇后無子罪莫大於絕嗣將廢之遂

良等持不可志寧顧望不對帝後密訪勛曰將立昭儀而顧命之臣皆不可今止矣答曰此陛下家事無煩問外人帝意遂定而王皇后廢詔勛志寧奉冊立武氏其後無忌遂良韓瑗等死皆由此故云殺忠臣罪不容誅得死牖下幸矣至于其孫率群不逞以起

兵以興復為辭而希覬非望之福戮及父祖剖棺暴

尸豈非餘殃哉

唐李敬業傳敬業勛子震之子諸武

人怨謀起兵旬日兵十餘萬武后遣李孝逸兵而勛三十萬往擊之削其父祖官爵毀冢藏除屬籍

之將死乃以房杜為戒可謂不能省己者矣古者父

子之間不責善

孟離婁父子之間不責善責善則離離則不祥莫大焉

骨肉之

親無絕也而有志氣不倫交遊非類者遽使殺之殘忍無親何異于豺虎乎

類岩夷人也

非所以為訓也

上元二年四月太子弘薨五月下詔朕方欲禪位

禪音善

太子而疾遽不起宜申往命加以尊名可謚為孝敬皇

帝

臣祖禹曰皇帝者有天下之號苟無其位非所以為贈謚也父沒而後子立今父在而追尊其子豈禮哉李泌以為武后欲謀篡國酖太子弘蓋高宗不之

知而後復加之尊名以掩其迹是時政出于后高宗

尸位而已

通鑑考異曰新書本紀云天后殺皇太子新傳云從幸合璧宮遇酖薨唐歷云弘仁

孝英果深為上所鍾愛以請嫁二公主失愛于天后不以壽終實錄補傳皆不言弘遇酖按李泌對肅宗孝敬皇帝為太子監門仁明豈悌天后方圖臨朝乃酖殺立雍王賢為太子新書蓋據此及唐歷也按弘之死其文難明今但云時人其後明皇追謚寧王憲以為天后酖之疑以傳疑

唐讓皇帝憲傳帝以憲推天下有高代宗追謚建寧世之行非大號不稱乃追謚讓皇帝

王倓

唐承天皇帝倓傳代宗大歷元年有詔以倓當艱難時首定大謀排衆議于中國有功乃追謚

承天皇帝以此為故事皆不正之禮不可為後世法也

弘道元年二月右庶子同中書門下三品李義琰改葬
父母使其舅氏遷舊墓帝聞之怒曰義琰倚勢乃陵其
舅家不可復知政事義琰聞之不自安以足疾乞骸骨
庶子以義琰為銀青光祿大夫致仕

臣祖禹曰高宗責義琰為宰相而陵其母家不可以
率天下斯言當矣然已以讒殺元舅

高宗舅長孫無忌高宗欲立武

昭儀無忌固言不可後既立銜之敬宗言無而不自
忌反遂下詔削官爵置于黔州卒出本傳

知惡何以責臣下之薄於母黨乎由此觀之高宗內

牽嬖寵外却讒言以無忌之親一旦誅斥祚移后家
哀哉

右高宗在位三十三年崩年五十六

中宗

嗣聖元年春正月甲申朔改元赦天下帝欲以皇后父
韋玄貞為侍中宰相裴炎固爭帝怒曰我以天下與
玄貞何不可而惜侍中邪炎白太后二月戊午廢帝為
廬陵王幽之立豫王旦為皇帝政事皆決於太后豫王

居別殿不得有所預立永平王成器為皇太子赦天下
改元文明秋九月甲寅赦天下改元光宅己巳追尊武
氏祖考皆為王妣皆為妃冬十月柳州司馬李敬業舉
兵於揚州以匡復為辭太后遣李孝逸李知本率兵三
十萬討之復敬業姓徐氏十一月敬業為其黨王那相
所殺

二年春正月太后赦天下改元垂拱三月丙辰遷帝於
房州

三年春正月帝在房州冬十月有山出于新豐縣太后
改新豐為慶山

四年秋九月虢州人楊初成自稱郎將募人迎帝於房
州太后殺之

五年春正月帝在房州太后毀乾元殿作明堂夏五月
太后加號曰聖母神皇秋八月琅邪王冲舉兵於博州太
后遣丘神勣率兵拒之冲為其下所殺越王貞舉兵于
豫州九月太后遣麴崇裕岑長倩率兵拒之削貞冲属

籍改其姓為虺氏貞自殺冬十二月太后殺霍王元軌
江都王緒大殺唐宗室流其幼者于嶺南改明堂為萬
象神宮

六年春正月帝在房州太后享於萬象神宮赦天下改
元永昌追尊考曰皇妣曰后夏四月殺汝南王煒鄱陽
公諲等宗室十二人秋七月流紀王慎于巴州改其姓
為虺氏冬十月殺嗣鄭王璵等六人流嗣滕王循琦等
六人于嶺南十一月太后大赦改元載初以十一月為

元年正月十二月為臘月來歲正月為一月除唐宗室
屬籍

七年春正月帝在房州夏五月太后殺梁郡公孝逸秋
七月流舒王元名於和州殺豫章郡王亶澤王上金許
王素節八月殺南安郡王潁等宗室十二人九月壬午
太后改國號曰周大赦改元天授加尊號曰聖神皇帝
以豫王為皇嗣賜姓武氏永平王為皇孫立武氏七廟
追尊祖考皆曰皇帝妣皆曰皇后武氏親屬皆為王女

皆為公主冬十月殺許王素節之子瑛等八人十一月
改置社稷納武氏主于太廟改唐太廟為享德廟乙酉
日南至祀昊天上帝于明堂以武氏祖配

八年春正月帝在房州

九年春正月帝在房州夏四月太后赦天下改元如意
秋九月赦天下改元長壽更以九月為社冬十二月殺
豫王妃劉氏德妃竇氏

十年春正月帝在房州

十一年春正月帝在房州夏五月太后赦天下改元延載十一月赦天下改元證聖萬象神宮火

十二年春正月帝在房州秋九月太后合祭天地于南郊赦天下改元天冊萬歲十二月封於神岳赦天下改元萬歲登封禪於少室

十三年春正月帝在房州三月太后復作明堂改曰通天宮赦天下改元萬歲通天冬十一月享于通天宮族劉思禮等三十六家流其親屬千餘人

十四年春正月帝在房州夏四月太后作九鼎秋七月
享於通天宮赦天下改元神功冬十一月甲子享於通
天宮赦天下改元聖歷

十五年春正月戊午帝至自房州冬十一月太后以豫
王旦為相王

十六年春正月帝在東宮

十七年春正月帝在東宮冬十月太后復以正月為十
一月十月為正月赦天下

十八年春正月帝在東宮太后改元大足冬十月太后如京師赦天下改元長安

十九年春正月帝在東宮冬十一月太后祀南郊
二十年春正月帝在東宮冬十一月太后如東都

二十一年春正月帝在東宮

神龍元年春正月癸卯張柬之崔玄暉敬暉桓彥範袁恕已李湛薛思行趙承恩楊元琰李多祚崔泰之朱敬則冀仲甫翟世言王同皎率左右羽林兵迎帝于東宮

誅張易之張昌宗張同休張昌儀張景雄甲辰大赦改
元丙午帝復於位徙太后於上陽宮二月甲寅復國號

曰唐

臣祖禹曰昔季氏出其君魯無君者八年春秋每歲
必書公之所在及其居乾侯也正月必書曰公在乾

侯不與季氏之專國也

春秋昭二十五年九月己亥公孫於齊次於陽州杜預云

諱奔故曰孫若自孫讓而去位者陽州齊魯境上邑孫音遜二十六年三月公至自齊居于鄆二十七年同二十八年公如晉次于乾侯在魏郡斥丘縣晉境內邑二十九年春公至自乾侯居于鄆三十年春王

正月公在乾侯三十一年同三十二年正月公在乾侯取闕十二月己未公薨于乾侯自二十五年至三十二年自司馬遷作呂后本紀後世為史者因之故共八年

唐史亦列武后於本紀其于紀事之體則實矣春秋之法則未用也或曰武后母也中宗子也母雖不慈子不可以不孝中宗欲以天下與韋元貞不得為無罪武后實有天下不得不列于本紀不沒其實所以著其惡也臣以為不然中宗之有天下受之於高宗也武后以無罪而廢其子是絕先君之世也況其革

命乎中宗曰我以天下與韋元貞何不可此乃一時

拒諫之忿辭非實欲行之也若以為罪則漢哀帝之

欲禪位董賢

前安幸董賢傳哀帝即位賢隨太子官為郎二歲餘賢傳漏在殿下為人美麗

自喜哀帝望見悅其儀貌識而問之曰是舍人董賢邪因引上與語拜為黃門郎由是寵愛日甚為駙馬

都尉侍中旬月間賞累鉅萬貴振朝廷常與上卧起後上置酒麒麟殿賢父子親屬宴飲王閔兄弟侍中

中常侍皆在側上從容觀賢曰吾欲法堯舜禪如何閔進曰天下乃高祖天下非陛下之有也統業至重

天子亡戲言上默然不悅禪音善

其臣亦可廢立也春秋吳楚之君

不稱王所以存周室也

史孔子世家吳楚之君自稱王而春秋貶之天下

者唐之天下也武氏豈得而間之故臣復係嗣聖之年黜武氏之號以為母后禍亂之戒竊取春秋之義雖獲罪于君子而不辭也

二年四月處士韋月將上書告武三思潛通宮掖必為逆亂帝大怒命斬之黃門侍郎宋璟固執不奉詔蘇珣等珣音向皆以為方夏行戮有違時令令去聲帝乃命與杖流嶺南過秋分一日平曉廣州都督周仁軌斬之

臣祖禹曰自古殺諫臣未有不亡國者中宗愚闇

闇與

暗同足以取亡而高祖太宗德澤未遠人心天命未厭唐也故禍及其身而已矣

景龍四年四月定州人郎岌上言韋后宗楚客將為逆亂韋后白帝杖殺之五月許州司兵參軍燕欽融復上言燕平聲皇后淫亂干預國政宗族強盛安樂公主武廷


秀宗楚客圖危宗社帝召欽融面詰之欽融頓首抗言神色不撓帝默然宗楚客矯制令飛騎撲殺之投於殿庭石上折頸而死楚客大呼稱快帝雖不窮問意頗快

快不悅由是韋后及其黨始憂懼

臣祖禹曰易姤之初六曰繫于金柅貞吉有攸往見
凶羸豕孚蹢躅姤之初六陰柔之始也以剛德制之
則得貞吉縱之以往則無所不凶若羸豕之孚無時
而自止也夫女子小人放而不制夫音符其惡必至于
滔天弑父與君而後已是以聖人戒之中宗一快快
不悅而其身已不保雖欲制之其可得乎

右中宗即位之明年為武后所廢凡二十二年而復位

復位六年為韋后及安樂公主馬秦客楊均所毒而崩
年五十五



唐鑑卷七

欽定四庫全書

史部
唐鑑卷八至十一

詳校官編修臣錢樾

編修臣程嘉謨覆勘

總校官庶吉士臣何思鈞

校對官中書臣潘奕雋

謄錄監生臣黃熙純

謄錄監生臣莊承智

欽定四庫全書卷

唐鑑卷八

宋 范祖禹 撰

呂祖謙 註

睿宗

景雲元年十二月帝以二女西城隆昌公主為女冠以
資天皇天后之福

臣祖禹曰孔子曰生事之以禮死葬之以禮祭之以
禮可謂孝矣

語為政云

未聞以女子為女冠而可以資福

於其親者也天子之女天下之所取則也不從先王之禮而從方士之言襲非法之服奉不享之祠以是為孝非所以率天下也夫古之人豈不欲捨其子而厚其親若其可為則先王為之矣不待後世而始能行也至于明皇亦以女追福於睿宗皆廢人倫蔑典禮不可為後世法也

二年正月追立妃劉氏曰肅明皇后陵曰惠陵德妃竇氏曰昭皇后陵曰靖陵皆招魂葬于東都城南立廟京

師號儀坤廟

臣祖禹曰人之死也魂氣歸於天形魄歸於地葬所以藏體魄也若魂氣則無不之也苟無體魄則立廟以祀之而已魂氣不可得而葬也夫棺槨所以掩形也墓所以藏棺槨也其形氣既無有矣而必為之陵墓不亦虛乎

右睿宗在位四年傳位于玄宗開元四年崩年五十五

玄宗上

開元元年七月以高力士為右監門將軍知內侍省事
初太宗定制內侍省不置三品官黃衣廩食守門傳命
而已天后雖女主宦官不用事中宗時嬖幸猥多宦官
七品以上至千餘人然衣緋者尚寡帝在藩邸力士傾
心奉之及為太子奏為內給事至是以誅蕭岑功賞之
是後宦官稍增至三千餘人除三品將軍者寢多衣緋
紫者千餘人宦官之盛自此始

臣祖禹曰自古國家之敗末有不由子孫更變祖宗

之舊也

更音奚
下同

創業之君其得之也難故其防患也

深其慮之也遠故其立法也密後世雖有聰明才智

之君高出群臣之表然未若祖宗更事之多也夫中

人不可以假威權蓋近而易以為姦也明皇不戒履

霜之漸

易坤卦初六履霜堅冰至
象曰履霜堅冰陰始凝也

而輕變太宗之制

崇寵宦官增多其負自是以來寢干國政其原一啓

末流不可復塞唐室之禍基于開元書曰監于先王

成憲其永無愆

書說命傳說告高宗曰監于先王成憲其永無愆

為人後嗣

可不念之哉

十月姚崇為相嘗奏請序進郎吏帝仰視殿屋崇再三言之終不應崇懼趨出高力士諫曰陛下新總萬機宰相奏事當面加可否奈何一不省察帝曰朕任崇以庶政大事當奏聞共議之郎吏卑秩乃一一以煩朕邪會力士宣事至省中為崇道帝語崇乃喜聞者皆服帝識人君之體

臣祖禹曰人君勞於求賢逸於任人

後王崇傳古人勞於求賢逸於

任古者疇咨僉諧

書堯典帝典疇咨若時登庸孔安國云疇誰也前武紀贊疇咨海內

舉其然後用之

孟梁惠王見賢焉然後用之

苟得其人則任而無

疑

書大禹謨任賢勿貳去邪勿疑

乃可以責成功明皇既相姚崇而

委任之如此其能致開元之治不亦宜乎

二年正月并州長史薛訥奏請擊契丹帝亦以冷陁之役欲討之羣臣姚崇等多諫甲申以訥同紫微黃門三品將兵擊契丹群臣乃不敢言

臣祖禹曰姚崇等以其君討契丹為是邪

契音當成

之為非邪當爭之不可微諫而止也

爭去聲

明皇既不

聽諫又益甚之遂相薛訥而使之將兵

相將並去聲

崇等

乃不敢言則是人君可以威脅群臣而遂其非也然

則君有大過

孟子君有大過則諫

將何以止之夫人臣諫而不

聽則當去位苟不能強諫而視其君之過舉

強去聲

至

於天下咸怨其臣則曰非我不諫君不能用我也始

則擇利以處其身終則引諉以歸其君此不忠之大

者也使君驕其臣而輕于用武天下不勝其弊

勝平聲

崇之罪也

帝素友愛近世帝王莫能及初即位為長枕大被與兄弟同寢聽朝罷多從諸王遊在禁中拜跪如家人禮飲食起居相與同之於殿中設五幄與諸王更處其中更平聲謂之五王帳宋王成器尤恭慎未嘗議及時政與人

交結帝愈信重之故讒間之言間去聲無自而入

臣祖禹曰文王孝於王季王季文王父故友于兄弟思齊詩刑

于寡妻至于兄睦于太妃太妃文故慈于子孫以及弟以御于家邦

其家邦至于鳥獸草木無不被其澤者推其心而已
矣先王未有孝而不友友而不慈者也至于後世帝
王或能於此則不能于彼何哉非其才不足以為聖
賢不能舉斯心加諸彼而已

孟梁惠言舉斯心加諸彼而已

明皇以

藩王有功成器居嫡長而能辭位以授之

唐讓皇帝憲傳本名

成器睿宗為皇帝故憲立為皇太子睿宗將建東宮
以憲嫡長又嘗為太子而楚王有大功故久不定憲
辭曰儲嗣天下之公器時平則先嫡國難則先功重
社稷也使付授非宜海內失望因涕泣固辭時大臣
亦言楚王有定社稷功且聖庶抗嫡不宜更議帝故
嘉憲讓遂許之立楚王為皇太子玄宗始封楚王故

明皇之心篤于兄弟蓋成器之行有以養其友愛之心也是以能全其天性而讒間之言無自入焉嗚呼

苟能充是心則仁不可勝用也

孟盡心下人能充無欲害人之心而仁不

可勝用也

至于為人父則以讒殺其子為人夫則以嬖黜

其妻為人君則以非罪殄戮其臣下是皆不能充其

類也

孟滕文公是尚能充其類也

苟不充其類則其為善豈不出

於利心哉

三年十二月或上言按察使徒煩擾公私請精選刺史

縣令停按察使帝命召尚書省官議之姚崇以為今止
擇十使猶患未盡得人况天下三百餘州縣多數倍安
得刺史縣令皆稱其職乎乃止

臣祖禹曰姚崇之辯雖能折議者之言然亦未為得
也夫天子者擇一相而任之

荀王伯人主有職
論一相而兼率之一相

者擇十使而使之

使上去聲下如字
使者十使置同

十使者擇刺史

縣令而置之賢者舉之不肖者去之則君不勞而天
下治矣故有一相則有十使有十使則有刺史縣令

矣何患乎不得其人哉任相者天子之事也選使者
相之職也察吏者使之責也郡縣之廣守令之衆焉
得人人而擇之馬於虔切苟相得其人則委之擇大吏而
已矣吏非其人則是相之不才也退之而已矣崇不
論此乃以為刺史縣令不可徧擇豈宰相之體乎

四年姚崇薦廣州都督宋璟自代十二月帝將幸東都
以璟為刑部尚書西京留守遣內侍將軍楊思勗迎之
璟在塗竟不與思勗交言思勗素貴幸歸訴于帝帝嗟

嘆良久益重璟

臣祖禹曰昔申枏以愆不得為剛

語五子曰吾未見剛者或對曰申枏

子曰枏也愆焉得剛焉於虔切

宋璟所以能剛其唯無愆乎明皇以

此重之可謂能知賢矣

宋璟為相突厥默啜自則天世為中國患朝廷旰食傾

天下之力不能克郝靈荃得其首自謂不世之功璟以

天子好武功恐好事者競生心微倖

好呼報切

痛抑其賞逾

年始授郎將靈荃慟哭而死

臣祖禹曰宋璟可謂賢相矣見其始而知其終沮其勝而憂其敗懲人主之好武為天下患之深也其後明皇卒以黷武至於大亂何其智之明歟其可謂賢相矣

姚宋相繼為相二人每進見帝輒為之起去則臨軒送之及李林甫為相雖寵任過於姚宋然禮遇殊卑薄矣

臣祖禹曰三公坐而論道

禮冬考工記坐而論道謂之三公

天子所

與共天位治天職者也

孟萬章弗與共天位也弗與治天職也

故其禮

不可不尊其任不可不重自堯舜至于三代尊禮輔

相

相悉亮切

詩書著矣漢承秦敝崇君卑臣然猶宰相進

見天子御坐為起在輿為下

前翟方進傳丞相進見聖主御坐為起在輿為

下所以體貌大臣而風厲其節也

前賈誼傳所以體貌大臣厲其節也

開元之初明皇勵精政治優禮故老姚宋是師天寶

以後宴安驕侈倦求賢俊委政群下

唐張九齡傳贊開元間勵精求

治元老舊勳動所尊憚故姚崇宋璟言聽計行力不

推而功已成及太平久志滿意驕而張九齡爭益切

言益不聽彼小人者惟利是就不顧國體巧言令色

書臯陶謨

何憂乎巧言令色孔士語一巧以求親昵人主甘之言令色鮮矣仁巧言令色足恭薄於禮而厚於情是以林甫得容其姦故人君不體貌大臣則賢者日退而小人日進矣

十年四月以兵部尚書同中書門下三品張說兼朔方

軍節度使

臣祖禹曰宰相之職無不總統

前百官公卿表太師太傅太保是為三公

蓋參天子坐而議政無不總統

而兼節制一道此開元之亂制也孔

子曰必也正名乎

語十三子路曰衛君待子而為政子將奚先子曰必也正名乎

宰相百官之首也

荀王伯相者論列百官之長

名且不正則何以

正百官矣自古官制之紊未有如開元者然則後世何所法乎

六月制增太廟為九室

臣祖禹曰七世之廟可以觀德

書咸有一德云

荀卿曰有天

下者事七世天子七廟

記王制天子七廟三昭三穆與太祖之廟而七

自古

以來未之有改也其祖宗有功德而其廟不毀則無

世數

前韋元成傳詔王者祖有功宗有德元成奏祖宗之廟世世不毀

商之三宗

商三

宗中宗高周之文武是也然則三昭三穆之外猶足
宗太甲

以祖有功而宗有德矣明皇始為九廟過其制矣夫
禮不可多也不可寡也三代之禮所以為後世之法
者盡矣唐制何所取乎

初諸衛府兵自成丁從軍六十而免其家又不免雜徭
浸以貧弱逃亡畧盡百姓苦之張說建議請募壯士充
宿衛不問色役優為之制逋逃者必爭出應募帝從之
旬日得精兵十三萬分隸諸衛更番上下兵農之分自

此始矣

臣祖禹曰唐制諸衛府有為兵之利而無養兵之害

田不井而兵猶藏于民

秦孝公用商君廢井田開阡陌

後世最為近

古有便於國者也開元之時其法寔隳非其法不善

蓋人失之張說不究其所以而輕變之

說音悅下同

兵農

既分其後卒不能復古則說之為也夫三代之法出

于聖人及其末流亦未嘗無弊救之者舉其偏以補

其弊而已

前董仲舒傳先王之道必有偏而不起之處故有貶而不行舉其偏者以補其弊而

己若并其法廢之而以私意為一切苟簡之制則先
王之法其存者幾何天下之務常患于議臣之好改
舊章此所以多亂也

唐鑑卷八